

善盧叢書之一

國醫診

療學

黃尔康署





善 廬 小 影

題 字 以 收 到 先 後 爲 次 序

杏林寶鑑

胡善盧先生子編

國醫診療學出版

王延松敬題



仁心普被

為胡善廬先生著

國醫診療學題


嚴謬聲



國醫論療學出版

易發函徵

江一平敬題



洞見隔垣

張傳保題



# 國醫診療學目錄

頁數

編輯要語.....一

卷首 治病總訣

一般看病訣.....一

看婦女病訣.....四

看小兒病訣.....五

## 卷上

一 生理

五臟.....一

六腑.....二

國醫診療學 目錄

一

經絡.....二

營衛.....三

一一 診斷

切脉.....三

察舌.....五

望色.....六

聞聲.....七

問證.....七

辨證.....八

三 用藥

總要.....一一

五臟補瀉涼散藥	一六
六經引藥	一七
十八反藥	一七
十九畏藥	一八
妊娠禁藥	一八
藥忌	一九
藥解	一九
處方須知	二〇
汗吐下和法	二一
君臣佐使解	二一

卷下

一 內科

傷寒	二二三
傷風	二二四
溫病	二二四
濕溫	二二七
暑病	二二八
疫	三三〇
痧氣	三三二
霍亂	三三二
瘧	三三四
痢	三三六

泄瀉	.....	三七
中風	.....	三八
腫脹	.....	三九
嘔吐	附噦 反胃 噎膈	四〇
欬嗽	.....	四一
哮	.....	四二
喘促	.....	四三
痰飲	.....	四四
頭暈	.....	四五
頭痛	.....	四六
遺精	.....	四六

淋濁	四七
疝	四八
小便	四九
大便閉	五〇
脚氣	五〇
三消	五一
汗	五二
痿	五二
痺	五三
疸	五四
勞怯	五四

血症·····	五五
不寐·····	五七
驚悸怔忡·····	五八
癲狂癩·····	五八
肝火肝風肝氣·····	五九
心胃痛·····	六〇
腹痛·····	六一
腰痛·····	六一
諸痛·····	六二
二 婦科	
調經·····	六二

帶.....六三

血崩.....六四

胎前.....六五

臨產.....六六

產後.....六七

乳疾陰疾.....六八

### 三 兒科

雜症.....六九

痘.....七一

疹.....七二

### 四 外科.....七四

五 五官科

目……………七六

耳……………七七

鼻……………七八

齒……………七八

咽喉……………七九

六 急救科 附刃傷跌打湯火傷……………八二

附錄

習題……………八四

習題解答……………八六

通信問疑須知……………九一

國醫診療學 目錄

一〇

胡善盧醫例

九一

本書參攷要藉

九一

## 編輯要語

本書皆醫家常法。極淺極簡。所集雖約。各科皆備。平人之醫藥顧問。此爲善本。習醫之門徑書藉。允推首要。爰定名爲診療學。

本書所集。均參以鄙人經驗。選擇謹嚴。所述皆是精英。可以坐言起行。遠非紙上談兵可比。俾資實用。

本書所集。皆本之清代名醫葉天士、徐靈胎、王孟行、吳鞠通、四家。旁採程鐘齡、錢榮國、梁子材、雷少逸、諸賢之說以佐之。惟以編輯之故。對於各家原文。每有支離割裂之處。學者如欲博攷。自當究之各家原著。

本書所集。皆醫門準繩。是授人以規矩也。後附習題及習題解答。

是示人以巧也。學者能熟斯編。再讀他書。無難題矣。

本書之成。稿凡三易。文句力求簡明。說理不尚深奧。能文之士。熟玩斯編。經月可以見功。半年可得門徑矣。

本書各門當互參。自易貫通。如一方數用者。既叙于前。不贅于後。避煩複也。

本書于用藥一門。祇述見證用藥之捷徑。而不及藥性。學者讀本書後。再究諸家本草。自易見功。

本書敘述。每門大致分病原、辨證、診斷、用藥、標準分量、加減法、等。(惟並不標明。悉于散文內包括述之)。其有不盡然者。或爲行文之便。或以證情複雜。拘定既有所不能。泛論又厭其迷眩。

要在讀者善自體會耳。

本書讀者。如遇疑難。可通函問疑。語曰。他山之石。可以攻錯。但求讀者便利。編者無不樂爲。

醫道宏深。病情萬變。窮研終身。難盡其奧。本書旨在指示門徑。學者當知隅反活用。若膠柱鼓瑟。一例蠻施。則無功先過。作孽無窮。大失編者之本旨矣。

本書編者。識見有限。所敘容有謬誤。如蒙教正。虛衷以俟。

中華民國二十二年五月編者胡善廬謹識

國醫診療學

編輯要略

# 國醫診療學

## 卷首 看病總訣

### 一般看病訣

有病先從氣色看。面色光澤病易痊。赤紅如潮血虛極。實火唇紅并口乾。口唇白者陽分弱。鼻孔紅燥肺火炎。耳疼腎熱或君火。心熱舌紅又燥煩。肝肺有熱見于面。左肝右肺見兩顴。面色青黑肝腎損。白主氣虛宜培元。色若黃滯脾有積。眼下青色定主痰。臍腹疼痛少陰證。小腹疼痛厥陰寒。再看舌胎分表裏。紅黃有火清即安。白滑裏寒溫中急。黃澀裏熱潤滑寒。火之深者黃多燥。臍脂舌向陰虛探。若是白胎小便赤。疫熱在裏飲達原。舌黑原來分數種。仔細觀

察要心度。火極如水生芒刺。誤服熱藥喪黃泉。水極如火氣息冷。回陽救急妙如仙。腎氣虛極舌胎黑。滋陰潤燥莫遲疑。精液枯極舌燥黑。回陽八味妙通玄。瘟疫舌黑皮自脫。先下後清自然安。惟有傷寒不易治。分辨陰陽要的端。陽證心煩身惡熱。陰證聲低體畏寒。陽證氣粗兼口臭。陰證蹇臥並懶言。陽證面紅思飲水。陰證面青閉目眠。七日以前若誤下。轉成漏底病難痊。傷風發熱身有汗。壯熱無汗是傷寒。不思飲食定傷食。脾虛健脾自安然。喜飲冷水知有火。好飲熱湯是有寒。陽虛自汗氣不足。陰虛盜汗不歸元。血虛五心多內熱。氣虛時常體畏寒。陰氣沖陽耳鳴閉。陽氣陷陰腹鳴弦。口苦膽虛並心熱。肝經有熱口常酸。脾熱口甘胃熱淡。肺熱口辛腎熱鹹。腰痛宜分寒與濕。腰痠房勞不待言。色慾頭暈腰膝軟。氣虛

頭暈神不全。風腫皮膚多淋閉。氣腫時消又時旋。食積腫來肚腹疼。  
。血腫皮膚赤脈纏。陽水腫兮小便澀。陰水脾腎兩虛看。上腫下消  
宜發汗。下腫上消貴培元。手陷起遲知水腫。手陷隨起氣使然。朝  
寬暮腫血虧損。暮寬朝腫氣虛傳。脫肛不痛氣血弱。脫肛腫痛風火  
連。晝瘰表邪宜補氣。夜瘰補血並疏肝。化痰消積更利水。虛者補  
之始能痊。痰熱流走瘡瘍見。痰寒凝結在胸前。寒勝則痛火勝腫。  
風麻濕木氣滯痛。氣鬱結者胸脇痛。涇鬱周身痛不安。痰鬱氣喘多  
脇痛。血鬱四肢無力焉。肝氣痞寒胸脇脹。脾氣不勝頭昏暈。中風  
脉浮手足煖。中氣脉沉手足寒。腹滿時痛爲不足。腹滿有餘痛纏綿  
。痛在瀉前爲食積。痛在瀉後是虛元。咽痛紅腫三陽熱。咽痛不渴  
三陰寒。病係假寒清內熱。病係假熱溫眞元。胎前宜涼疏兼補。產

後溫補逐瘀先。真陰將亡小便絕。真陽將脫面紅鮮。陰證脫兮眸子暗。陽證脫者見鬼牽。初病實熱苦寒用。病後虛熱宜甘寒。實而誤補已難解。虛而誤攻命難延。如此望問聞的當。方纔切脉細心研。

看婦女病訣

女子二七天癸至。調經察色要分明。先期而至是血熱。後期而至是寒經。經來疼痛爲氣滯。行後而痛氣虛真。其色黑者多實熱。淡白爲虛或痰凝。煙塵黃水血不足。紫色原屬風邪侵。行經之時宜慎重。若有憂鬱血必停。走于腰膝多疼痛。散在四肢則不仁。停于血海生寒熱。逆上冲心患戰競。兩手尺脉皆沉伏。此病分明是閉經。肝大肺小應有子。兩尺不斷滑方真。心腎俱旺知是孕。肺大肝小孕不成。左寸滑實爲男脉。右尺沉滑女現形。肝肺俱浮胸腹痛。兩關沉

緊腹中疼。

### 看小兒病訣

小兒有病令人憐。全仗醫生仔細看。令人抱出光明處。先將面部細心看。額屬心兮頰屬腎。左肝右肺兩腮前。鼻乃脾經爲主宰。五經辨色要心虔。白者氣虛黃有積。赤者爲熱青主寒。鼻塞聲重傷風重。眼下青色主飲痰。口唇赤白陰陽判。赤者胃熱白者寒。蟲積唇内生白點。疳氣鼻燥體態乾。有痛啼哭總不止。有積襁褓不耐煩。抱出貪涼欲赴冷。此乃內熱使之然。若是當風卽畏縮。必是傷風與陰寒。鼻冷瘡疹耳冷熱。遍身發熱是風寒。手足心熱口發渴。紋沉食積是真詮。若是下午手心熱。陰虛盜汗夜生煩。倘若手指稍頭冷。便是驚風一例看。祇有中間一指熱。小兒一定是傷寒。中指微微獨

自冷。定然癩痘恐相纏。復看指紋記歌訣。浮沉色氣審的端。要看指紋風氣命。三關內推仔細研。三關寅卯辰部位。病之吉凶在此間。初起風關病無碍。氣關紋現恐纏綿。乍臨命位誠危急。射甲通關命難痊。指紋何故浮然樣。邪在皮膚病易蠲。忽而關紋沉沉狀。已知入裏病盤旋。身安脉紋紅黃色。紫脈爲熱紅傷寒。青主驚風白疳疾。三關見黑命恐難。傷食鬱外青兼紫。脉紋彎內是風寒。腹痛紋入掌中裏。色淡氣弱稟先天。關紋滯滯皆因積。邪遏陰營衛氣連。食鬱中焦風熱熾。不行推蕩病何遷。復診掌後關中脉。浮沉遲數審的端。七至八至爲數熱。四至五至爲遲寒。浮脉主表病在外。沉脉主裏病內潛。數脉六至腑有熱。遲脉三至主臟寒。浮而有力風與熱。無力氣虛宜培元。沉而有力痰食積。沉而無力氣滯間。遲而有力

痛難禁。遲而無力是虛寒。數而有力本實熱。無力瘡瘍恐熬煎。若要分別陰陽證。氣息冷熱用手探。口中氣熱小便赤。舌黑必燥下爲先。氣微便清手足冷。參耆桂附妙如仙。再看胸腹堅與軟。虛實此中可細參。脾胃本虛中氣弱。四君六君選用焉。此是兒科真妙訣。神而明之世稱賢。

按小兒指紋。但以浮沉分表裏。紅紫辨寒熱。淡滯定虛實。用之不盡矣。

國醫診療藥

看病總訣

八

# 國醫診療學

## 上編 一 生理

### 五臟

心司生血。主藏神。主周身脈絡。主喜。主笑。開竅於舌。屬火而惡熱。肝司調血。主藏魂。主周身筋膜。主怒。主驚。開竅於目。屬木而惡風。脾司飲食。主藏意。主周身肌肉。主思。主噫。開竅於口。屬土而惡濕。肺司行氣。主藏魄。主周身皮毛。主悲。主欬。開竅於鼻。屬金而惡寒。腎司生氣。主藏志。主周身精髓。主恐。主欠。開竅於耳。屬水而惡燥。另有心外衣曰包絡。主佈化陰血。腎中系曰命門。主真陽生氣。

## 六腑

小腸爲心腑。主化食爲液。上奉心血。胆爲肝腑。主升清降濁。疎利中土。胃爲脾腑。主受納水穀。化氣化血。大腸爲肺腑。主傳送糟粕。消利滯氣。膀胱爲腎腑。主氣衛皮毛。通達小便。三焦爲包絡命門之腑。主行水化氣。通陰達陽。

## 經絡

太陽經行身之後。足經膀胱。手經小腸。與皮毛相應合。陽明經行身之前。足經胃。手經大腸。與肌肉相應合。少陽經行身之側。足經胆。手經三焦。與腠理相應合。太陰經分部於大腹。足經脾。手經肺。與肢末相應合。少陰經分部於小腹。足經腎。手經心。與血脈相應合。厥陰經分部於軟脇。足經肝。手經包絡。

與筋膜相應合。以上三陽經三陰經。統稱六經。各分手足。合之得十二經。手三陰從胸走手。手三陽從手走頭。足三陽從頭走足。足三陰從足走腹。如環無端。外有督脈。循背而行。督率諸陽。任脈循腹而行。擔任諸陰。督任二脈。稱曰奇經。

### 營衛

五臟六腑十二經脈流行之精氣曰營衛。營主血在內。衛主氣在外。

## 二 診斷

### 切脈

脈分三部曰寸曰關曰尺。掌後高骨爲關。關前爲寸。關後爲尺。兩手共六部。兩尺候腎。左寸候心。右寸候肺。左關候肝。右關候脾。寸部主胸以上至頭之疾。關部主膈以下至臍之疾。尺部主臍以下

至足之疾。一呼一吸曰一息。平人脈一息四至。三至以下爲遲脈。主寒。五至以上爲數脈。主熱。輕按卽得爲浮脈。主病在表。重按始得爲沉脈。主病在裏。往來流利爲滑脈。主痰多血走。往來艱滯爲澀脈。主氣滯血積。脈如絲爲細。主諸虛。脈形闊爲大。諸實爲多。浮而有力爲洪。主火。無力爲弱。主虛。中空如捏葱管爲芤。主失血。浮而柔細爲濡。主濕。尺中脈滑而旺爲胎脈。左尺洪左寸大主男胎。右尺沉右寸細主女胎。小兒五歲以上方可切脈。一息七至爲平脈。過之則數。不及則遲。餘與成人同。左寸獨盛主風寒。右寸盛主痰火。左關盛主氣鬱。右關盛主傷食。左尺盛主房勞。右尺盛主勞役。兩部皆盛。兩病兼也。凡溫熱病脈不甚浮。右手甚於左手。凡傷寒病左手緊盛倍於右手。凡浮沉無根。或重

按全無。及一切怪脈如蝦游如雀啄如屋漏如湯沸皆凶。凡歇止之脈。或是痰濕阻氣。不可卽稱怪脈。

### 察舌

舌尖主心。舌中主脾胃。舌邊主肝胆。舌根主腎。白爲風爲寒。滑爲寒爲濕。黃爲熱。紅爲火。紫爲陰虛。絳爲血熱。黑而焦裂硬刺爲熱極。黑而軟潤且滑爲寒甚。均凶。藍乃肝色外現。純藍必死。凡舌硬舌強舌短舌捲皆危。邪實者苔必濁垢。正虛者舌每嬌嫩。平人苔多薄白。風寒在表。苔亦薄白。以裏無病也。寒濕苔多白膩。舌苔粗白。漸厚而膩。是寒邪入胃。挾濁飲而欲化火也。藥宜兼用半夏藿香。迨厚膩轉黃。邪已化火。宜加黃芩。倘變黑色。是胃火盛熾也。宜用石膏知母以清之。麥冬花粉以潤之。苔厚

漸退而舌底紅色者。火灼水虧也。用生地麥冬沙參石斛以養之。

白苔絳底者。濕遏熱伏也。當泄濕透熱。用辛開苦降。舌生芒刺者。上焦熱極也。苔白不渴。多挾濕痰。輕則橘菴菖薤。重則枳實連夏。熱傳營。舌色必絳。純絳鮮色者。包絡受病也。宜用犀角鮮生地連翹鬱金石菖蒲等。舌色絳而上有黏膩似苔非苔者。挾穢濁之氣。急加芳香逐之。大紅點者。熱毒乘心也。用黃連金汁。絳而不鮮。乾枯而痿者。腎陰涸也。用阿膠鷄子黃地黃天冬等救之。舌尖絳獨乾。此心火上炎。用導赤散瀉其腑。

### 望色

青灰肝病主風。淡黃脾虛有濕。面赤者多浮陽。晦白者陽氣不足。黯黑者腎色外現。小兒五歲以下。脉難憑。當看三關指紋。虎口

食指第一節曰風關。病輕。第二節曰氣關。病重。第三節曰命關。病危。紋形浮主表。沉主裏。紅主寒。紫主熱。青主驚。白主疳。淡主虛。滯主實。黑色最危。淡黃無病。

### 聞聲

表症邪實。聲多壯厲。裏病正虛。聲每微怯。

### 問證

問病已幾日。飲食如何。二便如何。渴否。有汗否。惡寒發熱否。頭身痛否。胸中寬悶否。日少爲新病。實症居多。思食有胃氣則生。絕食無胃氣則死。傷食則不思食。小便秘黃赤爲熱。清白爲寒。如米泔爲濕熱。大便閉爲實。溏爲寒。不渴無熱。喜冷飲內熱陽盛。喜熱飲中寒津竭。濕遏熱伏或津液枯涸。則口乾不欲飲。卽飲

亦不多也。無汗表實。有汗表虛。裏熱者汗自出。初起頭痛骨楚惡寒是外感。胸痞腹脹者。內有濕濁氣滯痰積食滯。

辨證

風寒暑濕燥火六淫所侵爲外感。所病都在軀體經絡。喜怒憂思悲驚恐七情所擾爲內傷。所病都在五藏六腑。表證則發熱惡寒。頭痛。鼻塞。脈浮。口不渴。舌苔薄白。裏證則潮熱。惡熱。腹痛便澀。脈沉。口燥。舌苔見黃。寒證則唇舌俱白。不渴喜飲熱湯。鼻流清涕。洩清便溏。肢冷脈遲。熱證則舌赤目紅。口渴喜冷。煩躁。唇燥舌乾。溺短便秘。壯熱脈數。虛證則氣短體弱。多汗。四肢畏冷。脈來無力。實證則狂躁無汗。腹脹拒按。脈實有力。凡陰症初病無頭痛。無身熱。無口渴。便惡寒。或戰慄。身

體沉重。嘔吐瀉利。小便清白。踈臥欲眠。手足厥冷。面色慘淡而無光。脈來沉澹而細小。胸痛怔忡屬心病。脇痛善怒屬肝病。身重泄瀉屬脾病。欬逆氣急屬肺病。脛腫喘促屬腎病。脈浮頭痛腰脊強病在太陽。脈長身熱鼻乾目疼不得臥病在陽明。脈弦胸脇痛耳聾往來寒熱病在少陽。脈沉細咽乾腹滿自利病在太陰。脈微緩口燥舌乾而渴病在少陰。脈沉澹煩滿囊縮病在厥陰。手足心熱及口苦曰甜口渴唇焦皆胃熱也。知饑不欲食。胃陰傷也。凡畏寒有陽虛有鬱火。若傷寒惡寒。當有太陽見證。凡發熱靜而默默者邪在表也。動而躁及譫語者邪在裏也。食下卽化腐臭而出是有火也。食下不化完穀而出是有寒也。但欲寐是寒證。若熱證亦有昏昏而睡者。是熱甚神昏。非欲寐也。面赤色表症居多。陽明裏熱。面亦赤色

。又有陰症而面赤是載陽。切不可誤。有痰無聲曰嗽屬脾濕。有聲無痰曰咳屬肺燥。喉中有聲曰哮。氣急曰喘。呼吸不接續曰短氣。身痛者表有風寒。身癢者表有風熱。不寐及眩暈多因痰火。諸病有聲。諸逆冲上。屬火者多。風勝則動。熱勝則腫。濕勝則泄。腸寒則溏泄。腸熱則下垢。醒汗寐收曰自汗。寐汗醒收曰盜汗。不得眠是煩。不得臥是躁。胸中鬱悶反覆顛倒無時得安曰懊懣。鼻齒出血曰衄血。唾中有血曰咯血。肺傷則欬血。胃傷則吐血。腸傷則便血。喉間氣塞不通則噎。胃中寒熱不和則噦。有聲無物是嘔。無聲有物是吐。寐而妄語是譫語。醒而胡言是譫言。多屬實證。絮語聲聲反覆一語者是鄭聲。多屬虛證。筋脈急引而縮者曰瘈。筋脈緩縱而伸者曰瘲。筋跳曰惕。肉動曰瞤。

肌肉不柔和曰不仁。腹腔之間築築動跳者曰動氣。

### 三 用藥

#### 總要

病有萬變。治各有藥。補氣以蜜著人參。補血以芎歸酒芍。氣之滯者。行之以香附砂仁。氣之逆者。順之以陳蘇杏烏。理肝氣以青皮木香。瀉肺氣以前胡枳殼。沉香降腎氣。菖蒲開心氣。小茴治疝氣。此氣分之藥所宜知也。至於血有當破者。則蘇木紅老三稜莪朮桃仁干漆歸尾寄奴。血有當涼者。則紫草柏叶白薇生地。血有當止者。則地榆樗皮茜草茅根。散血以三七。活血以玄胡。化瘀以藕節小蘗。調經以梔子丹皮。瓦楞消血塊。丹參補心血。蒲黃卷柏生行血而熟止血。而芎歸爲血中之氣藥。此血分之藥所當知也。原夫除濕無如

蒼朮。散滿必須厚朴。消腫以利水爲先。而虛腫以健脾爲急。面腫者風。白附爲上。足腫者濕。防己能除。至於消食之品。則麥芽山查消麵消肉。又有神糶消食消果。所宜分也。若夫消積殺蟲。則雷丸鶴蟲蕪荑阿魏胡粉水仙栝榔棟子樞實使君是其選也。化痰之藥。有寒有熱。黃芩栝萋竹黃川貝治熱痰而入心肺。半夏燥濕痰而入脾經。風痰則南星半夏竹瀝荆瀝。火痰則枳實蒙石。豈可混施。至於氣行則痰行。則理氣之品皆痰藥也。濕熱爲痰之本。則利水瀉火之品皆痰藥也。學者所當偶反也。解鬱以鬱金爲主。而香附黑梔因症而施。解暑以香薷爲主。而扁豆滑石平寒異用。更取滋陰以熟地河車龜板龜膠沙參玉竹天冬麥冬。降火則丹皮元參童便最宜。黃連犀角瀉心火。黃芩桑皮瀉肺火。龍胆青黛羚羊蘆薈瀉肝火。知母黃柏

瀉腎火。大青大黃石膏粉瀉胃火。梔子瀉三焦之火。赤茯苓通瀉小腸之火。此瀉火之藥所宜知也。至於祛寒則附子泡姜吳萸肉桂。煖胃則丁香白蔻胡椒砂仁。及夫嘔吐之症。其因有三。因風則半夏陳皮生姜藿香必用。因寒則丁香黑姜縮砂川椒必資。因熱則竹茹蘆根必用。至若風瀉則當祛風。葛根最妙。熱泄則宜分利。木通亦靈。虛瀉當升。升麻可加於補劑。滑泄宜澀。肉蔻須配夫石脂。若夫小便不利。則木通車前豬苓澤瀉赤茯苓白茯苓其要也。大便不利則油歸郁李桃仁麻仁冬葵皂角潤之滑之。大黃葶藶朴硝元粉攻之決之。菴蓉瑣陽四物六味滋之潤之。變而通之。在其人耳。再攷頭痛。太陽居腦。治以藁本羌活。少陽居側。平以柴胡川芎。陽明居額。療以升麻白芷。此三陽頭痛之正治也。潤燥則二地二冬牛乳甘蔗。呃逆

則橘皮竹茹柿蒂丁香。治瘧則首烏烏梅常山草菓。澁精則牡蠣龍骨  
蓮鬚芡實金櫻棗皮。腰痛則杜仲牛膝故紙胡桃。祛風去濕補壯筋骨  
。則海桐五茄石楠桑寄生白鮮巴戟續斷秦艽威靈姜黃虎骨虎膝。皮癢  
則蒼耳地膚浮萍煎浴最可。瀉熱解毒。則銀花甘草連喬牛蒡射干貫  
衆公英慈菰。通淋則石韋扁蓄青黛瞿麥金砂。腹痛則青皮白芍陳皮  
枳壳枳榔木香腹皮腹子乳香沒藥。寒痛則吳萸良姜元胡肉桂。熱痛  
則大黃枳實。行水則大戟芫花甘遂牽牛商陸防己。燥嗽則百合紫苑  
款冬沙參兜鈴桔梗川貝栝藹。痰嗽則半夏陳皮。久嗽則五味粟壳。  
寒嗽則百部肉桂附子泡姜。喉痛則豆根牛蒡生甘桔梗。殭蠶射干。  
牙痛因風。則皂角細辛。因蟲則藜蘆爲末。塞孔勿咽。因寒則華撥  
。因火則黃柏青黛。口臭則香薷。鼻淵則辛夷蒼耳。癭瘤則公英昆

布海藻海帶浙貝夏草。吐風痰以瓜蒂赤小豆。開關散以皂角細辛。若夫疎風發表。尤宜審詳。麻黃肺經藥而走太陽。桂枝引營而達肌表。陽明則有升麻葛根白芷。太陽則有羌活藁本。少陽則有柴胡川芎。前胡宣肺。荆芥疎肝。防風搜肝瀉肺。蒼朮避惡去濕。細辛獨活入心腎。薄荷紫蘇理肺風。白附去頭面之風。蟬蛻去皮膚之風。殭蠶全蝎天麻鈎藤定搖擗之風。此風藥之所宜知也。又若健脾。則有白朮黨參茯苓淮山芡實龍眼。縮小便則有益智仁桑螺蛸。煖丹田則有故紙大茴葫蘆巴。安胎則有黃芩白朮阿膠艾葉。瘀血作痛則有蒲黃靈脂。產後血暈則有荆芥澤蘭。又若伸筋以乳香。止痛以沒藥。葶麻拔毒。白蜡生肌。姜黃理血中之氣。莪朮破氣中之血。退紅腫以金線重樓木鱉。鎮驚魂以琥珀珍珠。狗補脾。羊補肺。鷄補肝。

。蟾大熱。螺大寒。鱉滋陰。鮑魚治痢。覆盆枸杞兔絲女貞黃精狗脊補腎之良也。棗仁柏仁辰砂硃砂養心之良也。茯神補心以通腎。遠志補腎以通心。用藥大要。如斯而已。觸類旁通。頭頭是道。好學深思之士。更當博攷本草以究其全焉。

五臟補瀉涼散藥

補心用龍眼當歸柏子仁。瀉心用燈草車前竹叶心。涼心用黃連犀角川貝母。散心用半夏香薷菖蒲根。補肝用荔枝雞肉酸棗皮。瀉肝用連喬龍胆川棟子。涼肝用生地側柏赤芍藥。散肝用青皮木賊並蒺藜。補脾用炙草山藥棗白朮。瀉脾用山查郁李及神糲。涼脾用紫貝薛皮薏苡仁。散脾用松脂鷄金橘紅樸。補肺用官燕飴糖與參著。瀉肺用石韋苦杏仁桑皮。涼肺用生地紫苑野

菊花。散肺用麻黃葱白及紫蘇。補腎用鹿茸枸杞巴戟天。瀉  
腎用豬苓澤瀉並食鹽。涼腎用骨皮知母與黃柏。散腎用附子細  
辛及獨活。

### 六經引藥

太陽引經麻黃羌。陽明芷葛升膏勳。少湯芎柴青皮等。太陰升麻葛  
芍蒼。少陰知獨細辛桂。厥陰芎青柴萸良。

### 十八反藥

本草明言十八反半萸貝欬芫攻烏。藻戟遂芫俱戰草。諸參辛芍叛藜  
蘆。

半夏括萸貝母白欬白芫皆反烏頭附子。（按烏頭是母附子是子）。  
海藻大戟甘遂芫花皆反甘草。人參沙參苦參丹參玄參細辛芍藥皆反

藜蘆。反藥同用。能殺人。

### 十九畏藥

硫黃本是火中精。朴硝一見便相爭。水銀莫與砒霜見。狼毒最怕密陀僧。巴頭性烈最爲上。偏與牽牛不順情。丁香莫與鬱金見。牙硝難合京三稜。川烏草烏不順犀。人參最怕五靈脂。官桂善能調冷氣。若逢石脂便欺。大凡修合看順逆。炮熅炙燂莫相依。

### 妊娠禁藥

虻斑水蛭及蟲虫。烏頭附子配天雄。野葛水銀並巴豆。牛膝薏苡與蜈蚣。三稜芫花代赭麝。大戟蟬蛻黃雌雄。牙硝芒硝牡丹桂。槐花牽牛皂角同。半夏南星與通草。瞿麥乾姜桃仁通。礪砂干漆蟹爪甲。地胆茅根都失中。

## 藥忌

蜜與地黃忌葱白。人稱甜砒霜。麻黃細辛忌油膩。黃腊忌鷄肉。甘草忌無鱗魚。荊芥忌魚。皆所當知。

## 藥解

生蘿蔔汁解麩毒。 陳皮濃煎解中魚毒。 甘草搗白酒解食牛馬毒。  
地漿水解花椒毒丹毒砒石毒。 黃連煎湯解巴豆毒。 地漿水  
甘草汁或菘豆一升研粉入新汲水攪和去渣取汁飲之。俱能解砒霜毒。  
。 菘豆烏豆二味煮湯解中附子毒。 甘草煎湯解川烏草烏毒。  
生姜汁解中半夏毒。 猪油和烏豆汁解斑螫毒。 酒調雄黃解藜蘆  
毒。 生蟹搗汁解漆毒。 烏豆煮汁解中酒毒。 紫金錠百毒俱解。  
。 凡中毒之劇者。須看其指甲。血活可救。不活難救。

處方須知

凡藥性有極烈者有極毒者。皆宜慎用。舉其甚者。以例其餘。用丁香不得過五六枚。用細辛升麻北芥子吳茱萸遠志不得過一錢。細辛多用能閉氣殺人。用冰片麝香如湯丸一兩不得過一分。生川烏生草烏外用最能解毒散結。服之殺人。苦參子極能爛肉。不可單服。要服者必須去油極盡。和別藥服之。用皂角須用火炙至焦黑去皮弦。若不炙過。下咽卽嘔。巴豆必去油。斑蝥樟腦木鱉水銀蜈蚣胡粉等皆非可輕服者也。宜禁之。

凡湯中用麝香牛黃丹砂雄黃雌黃須研細末。臨服納湯中。攪和調服。則藥性不走。犀角羚羊角則宜先煎。待融化後。再入他藥同煎。亦有研細調下者。蓋恐雖煎而味仍不出也。凡用杏仁桃仁必去

皮尖。雙仁者更宜棄之。以其能殺人也。二冬貝母去心用。茯苓豬苓去皮用。烏梅大棗去核用。薤白葱白去青用。麻黃蘆根去節用。藥有宜包煎者。如枇杷叶蒲黃灰滑石晚蠶沙全福花等。如湯中用丸用散。均宜包煎。則藥汁不溷。河膠鹿角膠須另烱沖藥和服。麻黃宜先煎。掠去沫。益水再和他藥同煎。芒硝元明粉薄荷鈎藤砂仁蔻仁鷄子黃等均宜後下。

### 汗吐下和法

外感發表用汗劑。病已深入大便燥結腹滿熱熾用下劑。吐劑近時不常用。惟痰在上者自應用吐。至于和法。包含非一。如寒者溫之熱者涼之虛者補之實者瀉之上逆者降之下陷者升之。

### 君臣佐使解

處方當分君臣佐使。大概治病主藥爲君。如治風以防風爲君。治寒以附子爲君。治濕以防己爲君。上焦熱黃芩爲君。中焦熱黃連爲君。下焦熱黃柏爲君。治兼證之副藥稱臣佐使。故岐伯曰。方治君臣者。主病之爲君。佐君之爲臣。應臣之爲使。總之。見病用藥。一證一藥。君臣佐使之說。不必盡拘也。

# 國醫診療學

## 下 編證治概要

### 一 內科

#### 傷寒

傷寒須分六種。寒邪由皮毛而入。先太陽經。由太陽而少陽。由少陽而陽明。由陽明而太陰。由太陰而少陰。由少陰而厥陰。則傳經盡矣。此病醫聖張仲景傷寒論述之甚詳。爲中醫之內科全書。乃治醫者所必讀。不佞已另輯傷寒綱要一書。可參攷。傷寒初起。寒熱無汗。頭痛骨楚。宜辛溫解表。防風錢半 蘇梗錢半 杏仁三錢 陳皮一錢 豆豉三錢 葱白五寸 皖悶加川朴五分 胸悶加桔梗八分

枳壳 錢半 咳嗽加前胡一錢 鼻塞稀痰加半夏錢半 茯苓二錢 服藥後溫覆取微汗。宜避風寒忌油膩。

### 傷風

傷風與傷寒不同。傷寒則惡寒無汗脉緊。傷風則惡風有汗脉浮緩。

外風傷衛。有汗挾寒。宜解肌散表。桂枝五分 白芍錢半 甘草

一錢 生姜二片 棗二枚 畏風發熱。濁涕稠痰。咳嗽腕悶。脉洪滑

有力。此內熱生風。宜解表清裏。淡豆豉三錢 蘇梗錢半 杏仁

三錢 桔梗八分 連翹三錢 通草五分 凡內熱生風者。其舌有紅點。

### 溫病

凡溫病初感發熱而微惡寒者。邪在衛分。宜解表微發其汗。不惡寒而惡熱。小便色黃。已入氣分。宜辛涼清宣。脉數舌絳。邪入營分

。宜透熱轉氣。舌深絳。煩擾不寐。或夜有譫語。已入血分。宜涼  
 血散血。初起在上焦。頭痛身熱。自汗口渴。午後熱甚。統宜銀  
 翹散。銀花二錢 連翹三錢 薄荷錢半 荊芥錢半 桔梗八分 牛蒡  
 錢半 豆豉三錢 生草五分 竹叶錢半 胸悶加藿香鬱金各錢半 渴甚  
 加花粉二錢 衄者去豆豉荊芥加白茅根一札梔子炭二錢 咳加杏仁  
 三錢 舌苔化燥。或黃或焦。溫熱入胃。宜涼解裏熱。鮮蘆根  
 五錢 大豆卷三錢 天花粉二錢 生石膏四錢 生甘草六分 脈浮洪。  
 舌黃渴甚。大汗。面赤惡熱。用白虎湯。生石膏五錢 知母二錢  
 生甘草八分 粳米一撮 氣血兩燔者。用玉女煎。生石膏五錢  
 知母二錢 元參二錢 麥冬三錢 細生地三錢 溫熱深踞陽明營分。  
 舌絳齒燥。譫語神昏。宜前方去石膏知母加西洋參三錢 金銀花連

翹各二錢 以保津解毒。手足痠癢。脈來弦數。乃熱極生風。宜祛熱息風。羚羊角五分 麥冬三錢 生地三錢 甘菊二錢 鈎藤三錢 不語如尸厥。邪竄入心包。宜祛熱宣竅。犀角一錢 連翹三錢 川貝母三錢 鮮石菖蒲一錢 牛黃至寶丹一顆 心煩懊憹。起臥不安。欲嘔不嘔。用梔子三錢 豆豉三錢 先煮梔後納豉。發斑者。宜清涼透斑。石羔五錢 生甘草五分 銀花三錢 連翹三錢 鮮蘆根四錢 豆卷三錢 乾荷葉三錢 斑發出。神氣昏蒙。加犀角元參。發疹者。宜清宣。薄荷錢半 蟬退一錢 前胡錢半 豆豉四錢 牛蒡錢半 綠豆衣三錢 細生地三錢 面目俱赤。語聲重濁。呼吸俱粗。大便閉。小便澀。舌苔老黃。甚則黑有芒刺。日晡益甚。脈沉數有力。或脈體反小實。主承氣湯。大黃三錢 厚朴二錢 枳實二錢

元明粉三錢 陰虛之人。陽明溫病。無上焦證。而見下證者。不可但用承氣湯。宜潤下救津。 熟大黃三錢 元明粉二錢 粉甘草八分 元參二錢 麥冬四錢 細生地五錢 夜熱早涼。熱退無汗。熱自陰來者。宜青蒿鱉甲湯。 青蒿三錢 鱉甲三錢 知母一錢 桑葉二錢 丹皮三錢 花粉錢半 溫病最易傷津。故用麥冬生地石斛洋參等以生津滋液。阿膠麻仁等以潤燥。惟此類陰藥。均滋黏之品。必劫津者始可用之。否則必致留邪貽害。最宜慎也。

### 濕溫

頭痛惡寒。身重疼痛。舌白膩不渴。脈弦細而濡。面色淡黃。胸悶不饑。午後身熱。然若陰虛。病難速已。名曰濕溫。宜輕開上焦肺氣。蓋氣化濕亦化也。用三仁湯。 杏仁三錢 白蔻仁五分 生苡仁

四錢 滑石三錢 通草一錢 竹叶錢半 厚朴七分 半夏錢半 脈緩身痛。舌淡黃而滑。渴不多飲。汗出熱解。繼而復熱。徒清熱則濕不退。徒祛濕則熱愈熾。宜黃芩滑石茯苓清濕中之熱。白薏仁豬苓宣濕邪。大腹皮通草宣氣利小便。濕宜芳香化之。如藿香佩蘭。宜燥之。如蒼朮陳皮厚朴。宜滲之。如二苓澤瀉通草。濕重者宜香燥。熱重者宜清涼。隨宜酌用。

暑病

暑脈多虛。在上者以辛涼微苦。如竹叶連翹杏仁薄荷。在中者以辛苦宣通。如半夏黃芩黃連枳實。在下者以溫行寒性。質重開下。如桂枝茯苓石羔滑石甘草。身熱頭脹腕悶咳噎溺短。此暑邪外襲。或吸受穢氣所致。當與清宣。杏仁三錢 白薏仁五分 滑石三錢

通草五分 香薷五分 廣皮白一錢 暑溫伏暑。三焦俱受。舌灰白  
。胸痞潮熱。嘔噎煩渴。自利汗出溺短。宜杏仁滑石湯。杏仁三錢  
滑石三錢 黃連五分 黃芩錢半 橘紅一錢 鬱金錢半 通草一錢 厚  
朴七分 半夏錢半 傷暑身熱。或小便短赤。煩渴欲飲。用六一散。  
滑石六兩 甘草一兩 研末每服三錢 白湯下。清心加辰砂。名益  
元散。涼肝加青黛。名碧玉散。散肺加薄荷。名鷄蘇散。中暑神  
昏不語。身熱微汗氣喘等證。此暑熱動痰。心包被蒙也。宜清暑開  
痰。黃連八分 香薷五分 扁豆衣三錢 製夏錢半 厚朴七分 杏仁  
二錢 陳皮一錢 益元散三錢 荷梗一尺 因暑而厥。宜通其竅。用  
大蒜頭三枚。搗爛取汁。以白湯沖入。灌之即醒。醒後宜服益元  
散。

疫

此時行之氣。人病多同。易於傳染。大熱者多。不可施以熱藥。

香豉人中黃爲治時疫之專藥。或用大黃或用銀花金汁或用青蒿綠豆其意皆同解毒而已。邪在上焦或爲喉啞爲口糜。若逆傳膈中。則

神昏舌絳。爲喉痛癢疹。葉氏法清解之中。必佐芳香宣穢。犀角八分

元參二錢 鮮生地三錢 連翹三錢 菖蒲八分 銀花三錢 至寶丹一

顆或加金汁 疫邪入裏。脹悶譫狂。用清涼飲。 秦艽一錢 赤芍

一錢 知母一錢 貝母一錢 連翹一錢 薄荷七分 柴胡一錢 丹參三錢

人中黃三錢 一切火熱。表裏俱盛。狂躁煩心。口乾咽痛。大熱

乾嘔。錯語不眠。吐血衄血。熱甚發斑者。宜清瘟敗毒飲。 重用

石膏。直入胃經。使其敷佈于十二經。退其淫熱。佐以黃連犀角黃

芩。泄心肺之火。丹皮梔子赤芍。泄肝經之火。連翹元參。解散浮游之火。生地知母。扶陰抑陽。泄亢甚之火。救欲絕之水。桔梗竹葉載藥上行。使以甘草。所以和胃。此大寒解毒之峻劑。辨證宜確。投用必慎。濕溫時疫。發熱倦怠。胸悶腹脹。肢痠咽腫。斑疹頤腫。口渴溺短赤。便秘。等證。但着病人舌苔淡白。或厚膩或乾黃。是邪尚在氣分。用甘露消毒丹。每服三錢。滑石 茵陳 黃芩 菖蒲 川貝 木通 藿香 射干 連翹 薄荷 豆蔻 溫熱暑疫諸病。邪不即解。耗液傷營。逆傳內陷。瘧厥昏狂。譫語發斑等證。但看病人舌色乾光。或紫絳。或圓硬。或黑。是邪已入營分。用神犀丹。每服三錢。犀角尖 石菖蒲 黃芩 懷生地 銀花 糞清 連翹 板藍根 香豉 花粉 紫草 元參 如無糞清用人中

黃研入。脈伏昏曠。四肢逆冷。頭汗如雨。腹內攪痛。欲吐不吐。欲泄不泄。此乃悶證。急刺曲池委中。以泄營分之毒。再灌以紫雪丹。清透伏邪。避疫之法。以雄黃末塗鼻孔。

### 痧氣

痧氣壅塞。遏阻於中。作痛作脹。用荊防之類。從表面而散。用青陳之類。從中而消。用枳壳大黃之類。從大便而下。用木通澤瀉之類。從小便而行。用山查萊菔子之類。以治其食之積。用銀花紅花之類。以治其血之壅。用檳榔蓬朮之類。以治其積之滯。用藿香佩蘭之類。以化其濁氣。大小便宜通。補法不可用。刮痧亦能救急。以其能通陽也。

### 霍亂

風寒暑熱。飲食生冷。交雜於中。清濁相干。亂於腸胃。混淆三焦。其證吐瀉腹痛。邪在上焦則吐多。下焦則瀉多。中焦則吐瀉俱甚。宜治亂保安。廣藿香錢半 台烏藥一錢 廣木香半錢 製夏一錢 白茯苓三錢 茅朮八分 春砂仁八分 伏龍肝三錢 風甚加蘇葉橘紅。寒甚加草薢木瓜。暑甚加蘆根竹茹。吐多加黃連干姜。瀉多加葛根荷葉。吐瀉不已。損傷中焦之氣。以致陰陽間隔。手足厥冷。脈微欲絕。不多飲水者。無分風寒暑熱。急宜挽正回陽。野台參三錢 白茯苓三錢 於朮一錢 粉甘草五分 附片八分 安桂八分 炮姜炭六分 吳萸八分 欲吐不吐。欲瀉不瀉。是乾霍亂。俗名絞腸痧。用 白礬一錢 冷水滾湯各半沖勻調服。霍亂吐瀉不已。轉筋擾亂。用木瓜湯。 吳萸一錢 茴香一錢 木瓜三錢 炙草錢半 生姜

三片 蘇叶十片 王氏謂霍亂有一毫口渴。卽是伏熱燥熱。誤服藥卽不治。 梔子豉湯爲治暑熱霍亂之主劑。如木瓜扁豆可隨宜加入。

瘧

此症寒熱往來。或口苦耳聾。胸滿脇痛。發有一定之候。一日一發者邪淺。二日一發者深。三日一發者更深。凡瘧疾宜辨其寒熱多少先後。初起無汗要有汗。發散爲先。若病後汗多。亦宜兼斂汗。

瘧疾初起。凡氣血和平之人。非虛弱者 均宜服小柴胡湯。 柴胡

錢半 黨參錢半 半夏錢半 黃芩錢半 甘草七分 生姜三片 棗二枚

無汗加蘇叶二錢 防風一錢 汗多加白芍錢半 桂枝五分 脇脹或痛去

棗加煨蠣粉錢半 腹痛去黃芩加白芍錢半 小便不利加茯苓二錢 口

渴加葛根錢半 麥冬二錢 熱多加知母錢半 貝母二錢 或再加生石膏

二錢 單熱者亦然若欲速愈此方二服後加酒炒常山三錢 以截之。

濕熱化瘧者。用黃連溫胆湯。 黃連五分 半夏錢半 陳皮一錢 茯苓

苓三錢 甘草五分 竹茹錢半 枳殼錢半 瘧發先嘔者。用半夏黃連

黃芩甘草姜棗。 骨節煩疼。其脉如平。但熱不寒。名曰溫瘧。用

白虎湯加桂枝。 舌白渴飲。咳嗽頻仍。寒從背起。伏暑所致。名

曰肺瘧。宜清宣肺氣。如杏仁滑石黃芩連喬桑叶茯苓白蔻衣梨皮等

。 脈左弦。暮熱早涼。汗解渴飲。少陽瘧偏於熱重者。宜青蒿鱉

甲湯。 瘧久不解。脇下成塊。是瘧母。宜鱉甲牡蠣青皮半夏等。

或鱉甲煎丸。 三日瘧久纏不愈。用 川山甲一錢 鱉甲錢半 木賊

草一錢 嫩桂枝一錢 製首烏二錢 鹿角霜二錢 人參二錢 當歸身二錢

瘧久色奪。唇白汗多餒弱。用四獸飲。 黨參二錢 白朮二錢

茯苓二錢 甘草一錢 半夏錢半 陳皮錢半 烏梅五分 草果五分

陰虛內熱。必用首烏鱉甲知母。瘧不離乎少陽。古人多以柴胡爲主藥。然柴胡易動肝氣。或換青蒿。隨時酌用。

### 痢

此症大抵由暑熱者多。由寒者百不得一。治宜清暑熱兼通積滯。

熱痢挾食。脉滑數。煩渴溺赤。用 廣木香六分 黃連六分 生軍

三錢 葛根五分 枳壳錢半 黃芩一錢 白芍錢半 甘草五分 鮮荷叶一

角 噤口痢先開噤。用鐵秤錘二只瓦盤一只將秤錘燒紅放盤內以好

醋淬之。日夜數次。令病人聞氣甚效。藥用 西路黨三錢 黃連五分

製夏錢半 藿香一錢 石蓮肉三錢 陳廩米一撮 休息痢用香連丸

加參朮甘草茯苓枳實治之。久痢脾腎兩傷。用熟地當歸炒淮藥白

芍炒洋參炒扁豆阿膠炙草炭木香炒車前烏梅炭治之。痢症便膿血。宜行血調血。如當歸白芍。裏急後重。宜調氣。如木香枳榔。燥濕清熱用黃芩黃連。攻積導滯用大黃枳殼。

### 泄瀉

泄瀉因濕者多。宜白朮陳皮厚朴茯苓澤瀉諸品泄久加升麻防風。食積加山查神糶。久瀉加干姜肉蔻。火瀉濕瀉。小便短少。宜通利州都。茯苓三錢 澤瀉錢半 蒼朮八分 桔梗一錢 車前子二錢 通草一錢 滑石三錢 泄瀉而渴。用七味白朮散甚驗。 黨參錢半 白朮錢半 茯苓錢半 藿香一錢 木香半錢 乾葛二錢 炙草七分 土虛木賊。瀉而腹痛。用 白朮三錢 白芍錢半 防風一錢 陳皮一錢 五更溲泄。經年不愈。名爲腎泄。宜用 肉蔻霜一錢 北味六分 吳

黃五分 白朮錢半 炙草五分

中風

忽然昏倒。牙關緊急。兩手握固。危在傾刻。急用通關散取嚏。有則可治。無則多死。風邪中經。左右不遂。筋骨不用。宜順氣搜風。台烏藥一錢 陳皮錢半 天麻一錢 紫蘇錢半 甘菊一錢 參條二錢 炙草五分 宣木瓜一錢 桑枝三錢 風邪中絡。口眼喎斜。肌膚不仁。宜活血祛風。全當歸三錢 川芎錢半 白芍一錢 秦艽錢半 冬桑叶三錢 鷄血藤膠一錢 橘絡二錢 風邪中臟中腑。神昏不語。唇緩流涎。或便溺阻隔。宜宣竅導痰。遠志一錢 石菖蒲五分 天竺黃二錢 杏仁三錢 瓜婁實三錢 殭蠶三錢 皂角炭五分 中風見口開則心絕。目合則肝絕。手撒則脾絕。鼾睡則肺絕。遺溺則腎絕。汗

出如油。脈大無倫。或小如纖。搖頭上竄。此皆脫絕之症。速服附子理中湯。或可救萬一。野台參四錢 川乾姜一錢 白朮二錢 製附子二錢 炙草一錢 中風之人。大率血虛有痰。中風中氣。牙關緊急。及一切急暴之症。審非脫症。宜蘇合香丸。姜湯少許。調藥灌下。惟諸香走散真氣。體實爲宜。

### 腫脹

風濕客於脾經。以致面目虛浮。四肢腫滿。心腹膨脹。上氣急促。及皮水胎水。用五皮飲。陳皮赤茯苓皮生姜皮桑白皮大腹皮各錢半 上腫宜發汗加蘇叶防風杏仁各錢半下腫宜利水加豬苓防己各錢半木通一錢小便多而清長爲陰水加製附子干姜各一錢白朮二錢 川椒六分 木香分七 小便不利爲陽水加防己豬苓知母各錢半虛寒人宜

加參朮桂附壯健人宜加萊菔子枳壳 中滿者腹皮厚朴泄之。肺氣喘者葶藶瀉之。脾腎陽虛。不能行水。小便不利。腰重脚腫。或肚腹腫脹。四肢浮腫。或喘急痰盛 用腎氣湯。 熟地四錢 淮山茯苓各二錢 黃肉錢半 牛膝附子澤瀉車前丹皮各一錢 肉桂四分 單腹脹用異功散。一切腫脹愈後均宜服。 黨參三錢 白朮二錢 茯苓二錢 陳皮錢半 製夏錢半

嘔吐附穢 反胃 噎膈

嘔吐症不可下。脾胃不和而嘔吐。用二陳湯。 陳皮錢半 半夏

二錢 茯苓錢半 炙草七分 生姜二片 食入而出是寒證加藿香錢半

砂仁五分 煨姜三片 寒甚不用煨姜加干姜五分 食不得入是熱症

加黨參錢半 黃芩一錢 黃連五分 吞酸噯腐是傷食加砂仁五分 蒼

虎藿香麥芽山查各一錢 吐酸水加吳萸七分黃連五分嘔吐無物氣逆不  
降加黨參一錢 竹茹錢半旋覆花二錢 代赭石三錢 大棗三枚 發熱有風  
邪者加荆芥防風各錢半 頭痛加川芎一錢 脾胃虛弱加黨參白朮各二錢  
砂仁四分 煨木香六分 兼腹痛加藿香錢半 木香七分 胃熱火炎  
。用橘皮竹茹半夏山梔枇杷叶等。 黃連竹茹橘皮半夏治嘔噦如神  
。 聞藥氣則嘔。用伏龍肝研細。入開水內攪渾放澄。取一盞加姜  
棗煎之。稍冷取服。入口卽不吐。此法多效。 反胃用乾香櫞二大  
個熬濃汁甘蔗汁五碗生姜汁一茶杯和勻早晚每服大半茶杯。 噎膈  
用甘蔗四寸去皮切片如錢。白米一酒杯。以水潤透。用磁碗密蓋蒸  
成飯。先取蔗與病人服。徐徐嚼咽其汁。喉嚨乃開。隨食此飯。

### 咳嗽

風寒咳嗽宜宣散。用二陳湯加前胡錢半 杏仁二錢 蘇子七分 秋燥

咳嗽。用清燥救肺湯。 桑叶三錢 石羔錢半 甘草一錢 麻仁錢半

麥冬一錢二分 阿膠八分 人參七分 杏仁七分 枇杷叶一片 去毛蜜炙

乾咳無痰。喉癢脇疼。宜溫潤 紫苑一錢 百部一錢 松子仁

三錢 款冬花錢半 叭嚙杏仁二錢 陳皮一錢 冰糖五錢 燥氣化火。

喉痛咳紅。宜清金寧絡。 麥冬三錢 玉竹二錢 北沙參三錢 元參

錢半 生地三錢 旱蓮草三錢 冬桑葉三錢 枇杷叶三錢 散肺經風寒

用蘇叶。散風熱用桑葉枇杷葉薄荷。宣肺用桔梗前胡。開肺用牛蒡

。痰熱咳嗽用黃芩瓜婁兜鈴貝母。嗽而脇痛宜疏肝氣。用青皮赤芍

枳壳。肺虛久咳。用五味異功散。培土生金。

哮喘

此症有夙根。胸中多痰。結於喉間。與氣相擊。隨其呼吸。呀呷有聲。偶觸風寒卽發。遇勞亦發。治法發時宜散邪。發後宜扶正。

哮喘既發用 麻黃七分 蘇子六分 陳皮一錢 半夏錢半 竹黃錢半

炙草六分 細辛五分 沉香四分 生姜二片 發後用六君貝母丸 黨參

貝母半夏各一兩半 茯苓一兩二錢 陳皮白朮各一兩 炙草五錢 用竹瀝水一茶杯 煮生姜汁半茶杯 與各藥和勻 曬乾後再和竹瀝姜汁二次 曬乾研細末 煉蜜爲丸 如菉豆大 每服三錢 白湯下。凡虛弱之人。無論已發未發。均宜照服。

### 喘促

喘病在肺爲實。宜清宜破。促病在腎爲虛。宜鎮宜攝。上氣喘急不得臥。用 蘇子六分 陳皮製夏 桑白皮各一錢半 桔梗一錢 杏仁

二錢 炙草五分 生姜二片 加萊菔子一錢更驗 初感寒邪。心下有水氣。發熱喘急咳嗽。用小青龍湯。惟此爲熱散峻劑。老人及虛弱人勿服。 麻黃七分 桂枝一錢 製夏三錢 酒白芍錢半 北味六分 細辛 乾姜 炙草各五分 元海無根。肝腎虧損。呼吸促急。氣道噎塞。勢劇垂危。用真元飲。 熟地七錢 當歸五錢 炙草二錢 如兼嘔噁或惡寒者加煨姜三片 氣虛極加野台參四錢 肝腎陰虛手足厥冷加肉桂六分。 大枸杞四錢 生姜一片 大棗二枚 亦治促症。 葉氏常用熟地黃肉河膠山藥五味茯神湖蓮芡實諸品。鎮攝固結。以治陰虛喘噎。

痰飲

凡水氣上逆。得陽煎熬。則稠而成痰。得陰凝聚。則稀而爲飲。

通治諸痰。用二陳湯。老痰用瓜蒌浮石。熱痰用青黛黃連。濕痰宜半夏。燥痰宜貝母。黃芩降熱。亦治熱痰。枳實瀉痰。竹瀝滑痰。加姜汁少許能行經絡。故治痰在四肢。痰火用青黛蛤壳稱黛蛤散。治飲以溫中爲要。不可用陰藥。如地黃麥冬北味之類俱忌之。白朮澤瀉半夏陳皮茯苓生姜諸品均可用。水飲停心下。或時而悸者。用 白茯苓三錢 桂枝 炙草各一錢 生姜六片

頭暈

屬痰屬火。火盛者用羚羊角山梔連翹花粉元參鮮生地丹皮桑葉以清泄上焦竅絡之熱。痰多者用二陳湯加枳實川芎黃芩之屬。下元虛者。當補腎鎮攝。或從肝治。如製首烏甘菊炭黑脂麻枸杞牛膝熟地磁石之類。濕痰壅遏。頭旋眼花。非天麻半夏白朮不除。

### 頭痛

偏左者血虛火盛。偏右者痰與氣虛。傷寒頭痛用豆豉蘇杏。暑風邪氣上鬱而爲頭痛。用鮮荷叶苦丁茶蔓荊子輕清辛散。厥陽風木上衝。兼內風而爲頭痛者。用首烏柏仁櫓豆甘菊生芍等息肝風滋腎液。一切頭痛。宜當歸川芎羌活細辛獨活防風菊花蔓荊片芩麥冬甘草白芷。左邊痛加紅花柴胡龍胆生地。右邊痛加黃耆乾葛。正額上眉稜骨痛者。食積痰壅。用天麻半夏山楂枳實。當頭痛者用藥本。偏正頭風薰蒸方。川芎五錢 晚蠶砂二兩 殭蠶因人年歲。一歲用一只。用水五六碗煎至三碗。以厚紙封砂鍋。中開一孔。如錢大。病人就之以薰痛處。雖年久症。不過五六次即愈。

遺精

遺精有夢是肝火鴟張。治宜瀉火。卽所以固精。龍胆草八分 山  
梔錢半 白芍錢半 黃芩錢半 生地三錢 木通錢半 生草八分 遺精  
無夢。腎陰虛也。宜育陰固澁。熟地三錢 山藥三錢 山黃錢半  
茯神三錢 丹皮錢半 澤瀉三錢 芡實三錢 龍骨三錢 牡蠣三錢 金  
櫻子錢半 白蓮鬚八分 濕熱下注者用葶藶黃柏遠志茯苓澤瀉。厚  
味濕熱爲泄者。用白朮苦參牡蠣合豬肚爲丸。精滑多由乎濕熱。  
熱則流通。故多用炒黃柏堅腎。知母降火。牡蠣蛤粉燥濕。可以療  
之。荷叶研末酒服三錢治遺精亦效。

### 淋濁

五淋捷治法。車前子爲末。牛膝湯下。莖痛必用甘草梢。溺赤用  
淡竹叶。有瘀用牛膝。有熱用木通。開鬱用琥珀鬱金。血淋脹痛

。藕節汁調髮灰每服三錢。或用乾柿餅燒存性。研末米飲下。方用河膠滑名赤苓豬苓澤瀉車前子。砂石淋用黑大豆百粒生甘草水煎入滑石末一錢服之。膏淋用葶藶分清飲。川葶藶 益智仁 烏藥。白茯苓 石菖蒲各一錢半 甘草梢一錢 治白濁初起。宜導濕。用二陳湯加蒼白朮各一錢。黃柏葶藶各錢半。如赤濁加丹參二錢。病頗久者。當服補劑。有敗精者當通之。

### 疝

疝屬肝經。與腎無干。暴疝多寒。久疝多熱。通治各疝方。用白朮 半夏 小茴 金鈴子各錢半 陳皮 澤瀉 豬苓各一錢 白茯苓錢半 木通一錢 肉桂三分 炙草六分 如寒甚加乾姜附子各一錢 熱極者去肉桂加黃柏知母各錢半氣上衝者去白朮加泡吳萸六分當歸

錢半肉桂再加二分囊腫如水晶者加生苡仁四錢桑白皮錢半痛不可忍者恐瘀血爲膿致潰加桃仁十餘粒紅花一錢製乳沒各一錢筋縮者加生薏米一兩川木瓜二錢卵麻不痛者加川芎一錢檳榔錢半癢者加刺蒺藜三錢 古人治疝。多用辛香疏氣。通則不痛。宜炒桃仁炒橘核金鈴子炒延胡韭白汁兩頭尖小茴香青皮等通泄厥陰氣血。

### 小便

脬氣不足。小便頻數。用縮泉飲。 炒淮藥三錢 烏藥錢半 益智仁一錢 膀胱實熱。腹脹。小便不通。口舌乾燥。宜葵子湯。 滑石葵子 豬苓 赤苓 枳實 瞿麥 木通 黃芩 車前各一錢 甘草五分 腎虛足熱。小便不通。病在下焦。不渴者宜滋腎飲。 黃柏錢半 知母錢半 肉桂五分 膀胱滿甚。脹翻出竅。尿不得出。臍

脹異常。病名癰閉。法宜白蔻半夏砂仁肉桂桔梗生姜使上焦得通。中樞得運。而後膀胱之氣一轉。而尿自出也。癰閉外治用葱頭二十莖紫蘇二兩煎湯薰洗外腎小腹。或以鹽炒熱絹包熨臍下亦可。

大便閉

捷法用白蜜化湯。入元明粉三錢。空心服。血熱便燥者。加當歸煎服。或用。熟地四錢 生地二錢 當歸三錢 大麻仁錢半 大黃一錢 甘草一錢

脚氣

脚氣俱屬濕熱。初起宜辛涼發散。繼宜分利二便。與濕同治。方用二朮祛濕。知柏苓梔清熱。歸芍調血。木瓜檳榔行氣。羌獨利關節。木通散風濕。防己牛膝引藥下行。且消腫除濕。濕勝則腫。熱

勝則痛。防已爲主藥。濕脚氣浮腫爲濕勝。乾脚氣不腫爲熱勝。痛而腫宜清熱利濕。痛而不腫宜養血潤燥。脚氣腫痛。木瓜爲末。好酒調敷患處。脚氣冲心。白礬三兩煎水洗兩足。良久自愈。脚氣爲壅疾。貴在疎通。如橘紅檳榔蘇叶諸品。

### 三消

上消者大渴引飲。隨飲隨渴。乃上焦之津液枯涸。其病在肺。中消者多食善饑。不爲肌肉。病在脾胃。下消者小便黃赤。爲淋爲濁。如膏如脂。日漸消瘦。其病在腎。三消之病。多屬津少火甚。天花粉爲是病神藥。通治三消用四物湯加味。熟地四錢 當歸二錢

川芎一錢 白芍錢半 上消加黨參二錢 麥冬錢半 花粉二錢 北味五分

以生津液或再加藕汁人乳冲藥服飲酒人宜加乾葛錢半 中消加知

母滑石各錢半 生石膏三錢 以降胃火下消或知母黃柏各一錢 北味五分 熟地四錢 以生腎水

汗

湯虛自汗。用炙黃耆四錢 製附子一錢。或人參黃耆白朮甘草當歸芍藥牡蠣浮麥熟地烏梅陳皮等。隨宜酌用。陰虛盜汗用當歸六黃湯。炙黃耆 當歸 熟地各二錢 黃芩 生地 黃柏各一錢 黃連六分。酸棗仁枸杞隨加尤佳 自汗盜汗用五倍子爲末。津液調搽臍中。卽收。桑叶爲末空心米飲下亦治盜汗。傷風或裏熱均有自汗。詳本門。

痿

肺熱葉焦。發爲痿躄。治痿獨取陽明。以陽明爲臟腑之海。主潤宗

筋束骨而利機關也。治法宜補水瀉火。腿足不能起立。能食易饑。用甘菊湯。熟地 淮藥各四錢 元參三錢 甘菊七錢 白芍 當歸 黨參各三錢 建麩一錢 痿症降陰火滋腎水用虎潛丸。熟地 黃柏各六錢 知母五錢 牛膝四錢 龜板八錢 酒芍 當歸各四錢 虎脛骨 瑣陽 陳皮各三錢 乾姜一錢 共研末蜜丸如棗豆大每服三錢 淡姜湯或酒下

### 痺

風寒濕雜至。氣血爲邪所閉。四肢百節走痛。主四物湯加藜蘆桑枝紅花桂枝。上痛加羌活威靈仙。下痛加萆薢防己木通牛膝。濕痰加南星半夏。血瘀加桃仁紅花牛膝。濕熱加蒼朮黃柏。暑濕痺者。加減木防己湯。防己 桂枝 石羔 杏仁 滑石 通草 苡仁

風勝則引。弔痛掣痛之類是也。加桂枝桑葉。濕勝則腫。加滑石草薢蒼朮。寒勝則痛。加防己桂枝姜黃海桐皮。兼痰飲者。加半夏廣皮。絕無汗者。加羌活蒼朮。用四物湯宜以生地易熟地。

### 疸

脾虛爲本。濕熱爲標。遍身面目皆黃。然宜分陰黃陽黃。凡黃如橘子柏皮。間火氣而光彩是陽黃。多爲濕熱。凡黃如薰黃色。暗而不明。或手足厥冷。脉沉細是陰黃。多爲寒濕。疸病主茵陳。陽黃小便短少。當利。使濕熱從水道去。加二苓澤瀉各錢半。熱甚加梔子一錢。便閉用茵陳大黃梔子。陰黃小便不利者。用茵陳白朮肉桂二苓澤瀉。小便利者用茵陳姜附。

### 勞怯

凡人內傷元氣。無非虛損之症。至于虛損之深。卽成勞瘵。或骨蒸。或乾嗽。或吐血吐痰。營衛俱敗。疴羸日甚。積漸而來。以至本末俱傷。此症古法。大率主補。脾腎兼補。用黨參白朮黃耆遠志當歸棗仁甘草龍眼肉麥冬五味陳皮合六味丸。因鬱而起者。加山梔丹皮。專重補陰。用生熟地天麥冬山藥牛膝茯苓桂圓玉竹人乳脈無力加參咳加桑皮枇杷叶痰加貝母泄瀉者去生地天冬加萸肉白芍大棗蓮肉。骨蒸勞瘵用清骨散。秦艽 青蒿 知母 地骨 胡連 鱉甲各一錢 炙草五分 銀柴胡錢半。或用北沙參大熟地銀柴胡醋炙鱉甲知母金斛川貝地骨皮麥冬各二兩蜜丸久服可愈。每服三錢淡鹽湯下。燕窩大養肺陰。化痰止咳。爲調理虛損勞瘵聖藥。

### 血症

先止血。次消瘀。次補血。服童便最妙。地黃汁半斤。大黃末一方寸七。煎地黃汁三沸內大黃末調和服之。日三次。止血而不留瘀。

血越上竅。皆陽盛陰虛。有升無降。宜生地當歸白芍消瘀加丹皮山茶花韭汁童便。熱加元參黃芩麥冬。降氣加蘇子枇杷叶。行血用丹參牛膝。止澀用蒲黃灰藕節炭。通導用大黃桃仁。暴吐不止。

氣隨血脫者。用獨參湯。痰帶血絲用童便姜汁竹瀝。血見黑則

止。遇寒亦止。藕汁梨汁茅根汁韭菜汁蘿蔔汁竹瀝童便京墨均可服。止血莫先於降氣。沉香降香蘇子杏仁厚朴香附之類皆可用。病

之輕者十灰散亦效。吐血調理。用梨一只荷葉一張柿餅一枚藕節

七個紅棗十枚茅根一撮煎濃代茶。逢節前後數日服。可以除根。

鼻衄用生地麥冬各五錢水煎服立止。或用白茅根一兩側柏炭二錢亦

驗。外用黑山梔末吹入鼻中。牙宣出血。用槐花荊花等分爲末搽。或生蘿蔔嚼爛含少傾吐去。舌上出血如孔鑽者。用香薷二錢水濃煎服半茶杯。外用槐花或蒲黃炒成炭。研末摻之。尿血是小便出血。陰莖不通。與血淋莖痛有異。方用 生地二錢 阿膠珠 炒側柏各一錢半 大便下血。用四物二黃黑梔阿膠地榆腸風加荊芥炭。氣下陷加升麻。脾陰虛弱者。用歸芍六君湯加燒黑蓮蓬壳研末一錢沖藥服。

### 不寐

有邪不寐當去病。病退自安。無邪者是血氣之虛。無以養心。心虛神不守舍。內無津液。煩熱驚悸。用酸棗仁湯。黨參棗仁各一錢半 麥冬二錢 龍眼肉二錢 竹葉十片 炙草七分 濕痰壅遏。神不安者

。用二陳湯導去其痰。

驚悸怔忡

大致血虛心熱。用硃砂安神丸。黃連錢半 硃砂一錢 甘草五分  
生地五錢 當歸二錢 蒸餅丸綠豆大每服十丸開水下。或用四物湯加  
白朮甘草遠志茯神棗仁麥冬黃連元參。

癲狂癩

癲者痴呆之狀。哭笑無常。語言無序。其人常靜。用安神定志丸。

茯苓神 人參各一兩 石菖蒲 龍齒各五錢 蜜丸如桐子大辰砂爲

衣每服二錢 開水下 狂者罵詈不避親疎。登高而歌。牽衣而走。

痰火結聚所致。治宜墜痰火鎮心神。用生鐵落飲。川貝母三錢 麥

冬二錢 元參錢半 石菖蒲 胆星 橘紅 連喬各一錢 白茯神二錢

用匠人所鎚燒紅生鐵紛紛飛落之鐵花一大碗水煎三炷香久。去鐵花取水加硃砂二分同藥煎服。入竹瀝水半酒杯沖服更驗。癩則忽然昏倒。口角流涎。或作六畜聲。愈後如平人。作止有間斷者。總由痰涎爲病。宜人參琥珀丸。黨參 琥珀各五錢 棗仁二錢半 石菖蒲五錢 遠志 乳香各四錢 硃砂三錢 白茯苓五錢 蜜丸綠豆大每服二錢 溫酒下或棗湯下 二症愈後培補服參朮茯神湯。 黨參 白朮 半夏各二錢 石菖蒲一錢 硃茯神五錢 絲餅三錢 炙草一錢 製附子一分

### 肝火肝風肝氣

川棟子直泄肝湯。延胡索理氣滯血瀆之痛。桑葉泄少陽氣熱。丹皮清肝胆血熱。養肝用阿膠生地白芍木瓜等。小麥最能養肝。羚羊角

是肝火門重藥。養肝之體清肝之用。宜石決明鈎藤桑葉菊花生地抱木茯神。肝風用生地阿膠天冬牡蠣白芍小麥。肝火用羚羊角鮮菊葉連翹梔子皮瓜蒌皮鬱金杏仁。肝氣橫逆腹脹腕痛。用 金鈴子錢半

延胡索一錢 白蒺藜三錢 陳皮錢半 赤苓三錢 枳殼錢半 鬱金錢半

瓦楞壳三錢 製香附錢半 砂仁壳八分 佛手錢半 越鞠丸錢半

### 心胃痛

治法大致宜辛香溫燥。然久鬱者不宜辛熱。飽食痛甚爲實。得食痛緩爲虛。熱厥痛用金鈴子延胡索。肝氣痛用瓦楞子或石決明。寒厥痛用高良姜製香附。血積痛用香附元胡五靈脂沒藥。火鬱心胃痛脉弦數用姜汁炒川連山梔瀉火。川芎香附開鬱。枳壳陳皮理氣。佐以炮姜從治。屢觸屢發者。用荔枝核五錢 木香四錢

研末每用一錢二分清湯調下。

### 腹痛

多因肺氣鬱於大腸之間。宜桔梗開之。白芍陳皮木香當歸爲主藥。惡寒加乾姜。惡熱加黃連。凡腹痛綿綿痛無增減。脉沉遲者。寒也。腹滿硬痛久不止。大便實脉數口渴者。積熱也。痛不移處者。死血也。貪積痛者。手按愈甚。大便後痛減時痛時止者。亦屬熱。手按之而痛止者虛也。虛痛宜溫中不可補。

### 腰痛

主歸芎湯。加桑寄生杜仲續斷。腎虛加地杞牛膝。風濕加五加皮海桐皮。濕熱加蒼朮黃柏。閃挫跌撲。瘀血內畜。痛如錐刺。用澤蘭三錢 丹皮 牛膝各二錢 桃仁十粒 紅花五分 當歸五錢 廣三七

一錢 赤芍藥錢半 豬腰子最治腰痛。入杜仲同煮食之。

諸痛

不通則痛。當通其氣血。痛症因乎寒者多。久痛入絡。絡虛則痛。用新絳屑青葱管歸尾桃仁。夏季身痛。屬濕爲多。羌防太溫宜忌。用木防已蠶砂豆卷等。凡脇痛者皆肝木有餘。柴胡青皮川芎赤芍龍胆草隨用。

一一 婦科

調經

經水過多用四物湯。加黃芩白朮。色黑後期加黃連香附。血熱妄行加梔子黃連。血海虛寒加泡姜附子。經欲行而上下腹痛加川棟延胡木香檳榔。經行腹痛加桃仁紅花延胡木香。經來漸遲是虛寒。

血色淡。宜蒼朮參草陳皮之屬。經來漸早是挾熱。宜芩連阿膠地榆丹皮梔子之屬。經行不止加阿膠地榆荆芥穗。癸水不至。忽患吐血衄血。是倒經也。宜丹參桃仁茯苓荒蔚子生地牛膝滑石白薇之類。或用生地二錢 當歸鬱金降香各一錢加韭菜汁半酒杯童便少許沖藥服。經閉者先瀉心火次養脾血。虛弱人經漸不通而潮熱者。宜逍遙散。白朮錢半 當歸二錢 白芍 茯苓 柴胡各一錢半 薄荷四分 炙草七分 生姜一片

帶

此症不外脾虛有濕。赤屬血。白屬氣。用異功散加味。 黨參錢半 陳皮一錢 白朮 山藥各二錢 扁豆錢半 白茯苓錢半 生薏米三錢 澤瀉一錢 炙草一錢 如有熱加蓮子心五分 黃柏一錢 色白清冷腹

痛多寒加乾姜甚則加製附子一錢 青帶屬肝異功散加柴胡山梔。黃帶屬脾加石斛荷葉陳米。赤帶屬心加丹參當歸。白帶屬肺倍加苡仁。黑帶屬腎加杜仲續斷。赤白帶下臍腹疼痛。用白芍二兩 炒干姜五錢 爲末每服三錢 空心米飲下。

血崩

血崩症多脾虛。血去後其人必虛。當大補氣血。急則治標。用舊蓮蓬壳燒灰存性研細末沖酒服二錢甚驗。肝經熱用四物湯加柴胡山梔。脾胃虛用六君子湯（即參朮苓草半夏陳皮）加川芎柴胡當歸。凡婦人老年。驟然血海大崩不止者。用阿膠珠一兩 全當歸一兩 紅花八錢 冬瓜子五錢 天泉水煎服屢驗。少婦大崩不止減紅花一半服之。此方服後須用歸芍六君湯以調解。血崩日久不愈者當補

炙薏一錢 當歸 薏米 蓮蓬炭 白芍 阿膠珠各一錢半 加鹿角霜  
研末六分冲藥服

### 胎前

胎前宜涼。不可汗不可下不可利小便。白朮黃芩爲安胎要藥。或加黃耆杜仲續斷阿膠炙草茯苓。四物湯爲護胎要藥。如胎動血漏加阿膠。妊娠期中保康健。用歸芍阿膠桑寄生各錢半以養血。條芩錢半生地炭三錢以清熱。茯苓白朮各二錢以補脾。杜仲續斷各錢半以補腎。惡阻者嘔吐滿悶。濁氣閉塞。中脘停痰。用二陳湯加枳殼。脾虛者六君子湯加蘇梗砂仁香附。娠妊小便不通。小腸有熱。用四物湯加黃芩澤瀉。胞胎墜壓。胞系繚亂。點滴不通。名曰轉胞。其症最危。用赤白苓各一錢 升麻五分 當歸二錢 川

芎五分 苧根錢半 或調琥珀末二分更佳。

臨產

產以氣血爲主。氣血足則易產。難產神效方。用 熟地一兩 炙耆

一兩 歸身四錢 白茯神三錢 西黨參四錢 醋炙龜板四錢 川芎一錢

酒芍一錢 枸杞子四錢 只服頭煎。不用二煎。以力薄也。臨產危

急。服此方四五帖。無不胎順而下。如屬試痛。服後不痛不產。亦

無恙也。 臨產交骨不開。用當歸六錢 川芎二錢 龜板五錢 婦人

髮洗淨煨透研二錢。或加黃耆。 胞衣不下。用當歸一錢 澤瀉一錢

牛膝錢半 肉桂三分 或用荷葉一張。扯作二塊。水煎服。胞衣卽

破數塊而下。或用頭髮攪喉中使之作嘔胞亦下。 胎死腹中。母舌

必青。設唇亦青者。母亦難全。下死胎用平胃散加朴硝。 蒼朮

二錢 厚朴陳皮甘草各一錢 朴硝五錢

產後

產後百脈空虛。治以溫補。瘀血停滯。當予運行。惡露不行。腹痛等症。用生化湯。當歸五錢 川芎二錢 桃仁七粒 益母草一錢 炮姜六分 產後血暈用澤蘭 人參 炙草各三分 川芎五分 荆芥一錢

酒調下。產後損破脬胞。小便不禁。宜補脬飲。黃絲絹三尺

用炭灰淋汁煮爛以清水漂淨 黃蜡五錢 白蜜一兩 馬勃二錢 茅根

二錢 產後乳少宜通脉湯 生薯一兩 當歸五錢 通草二錢 用豬蹄一

對煮湯。吹去浮油。煎藥一大碗。服之以被覆面而睡。產後大便

燥結。用生化湯加肉蓯蓉。或用增液湯。元參一兩 麥冬 生地

各八錢 產後陰門腫痛。肝經虛熱也。用逍遙散去姜薄加丹梔。

玉門不閉。氣血虛弱也。宜八珍湯加黃耆。八珍湯即參朮苓草芎歸地芍。產後瘀血入肺。氣喘面黑。用野台參一兩 蘇木三錢 手足厥冷自汗加附子或可救。產後惡露行而昏譫者。多屬痰飲。石菖蒲 胆星 半夏麩 茯苓 橘紅 旋覆花等均可用。產後浮腫。敗血乘虛流入於經絡也。用歸芍苓朮陳皮煎湯調琥珀肉桂心麝香末服之。產後痢疾。用芎歸苓芍香連甘草陳皮。勿用大黃枳榔枳朴。產後類瘡用參朮苓著當歸半夏青皮藿香烏梅。產後咳嗽宜杏仁蘇子陳皮等。忌表藥涼散。

### 乳疾陰疾

吹乳癰腫。括婁一個。乳香錢半。酒煎服。外用南星爲末溫酒調。更以手揉散之。或用蒲公英忍冬藤酒煎服。乳岩宜多服疎氣

血之藥。如青皮甘草橘葉等。逍遙散去薄荷加香附亦佳。陰癢者。濕生蟲也。蛇床子同礬前湯洗。

### 三兒科

#### 雜症

小兒之病。非外感風寒。即內傷飲食。及吐瀉驚疳而已。一切雜症。與大人同治。用藥只宜輕劑。不可過爲剋伐。損傷元氣。此爲至要。外感風寒。必有表證。治當發散。如淡豆豉葱白等。內傷發熱。必有見證可據。隨證治之。傷食者保和丸消之。山查炭茯苓 萊菔子 神糲 半夏 陳皮 連翹 乳食不調。甘肥無節。則積滯而成疳病。積久生熱。熱蒸生虫。故初起即宜消積。不使成疳。既成體實者。用莪朮三稜枳榔厚朴消其積。川連胡連清其熱。

使君蕪荑川棟蘆薈殺其虫。體虛者不可單攻。當兼用六神散。人參 白朮 茯苓 炙草 山藥 扁豆 姜 棗 急驚者。或感風寒。或積乳食。皆能生痰。積痰化火。失於清解。則痰火上壅。諸竅俱閉。其證壯熱痰壅。神昏不醒。竄視反張。搐搦顛動。牙關緊急。頰赤唇紅。飲冷便閉。此乃痰火鬱結。肝風內動。宜利火降痰。

紫胡五分 黃芩七分 陳皮八分 鈎藤二錢 連翹一錢 木通七分 愈

後用生黨參生竹葉二十片煎服。慢驚者。多因病後或吐瀉日久。脾胃損傷。土虛木賊。其證昏睡露睛。痰鳴氣促。時涼時熱。面白瀉青。手足微搐無力。神氣懨懨不振。初起當用溫補。加藿香煨姜。糞見青色用木香。或肉桂。若手足漸冷。唇舌痿白。此將脫之候。速用附子以回陽。初起服藥。用異功散。黨參 白朮各一錢 陳

皮五分 茯苓七分 炙草四分 鈎藤一錢 燭髮一片

### 痘

痘症最難治。惟早種牛痘可免。痘症宜補氣血。補脾胃。忌尅伐氣血。初起有時邪。先宜疎解。血氣不充。用六物煎。黨參

白芍 當歸各一錢 熟地錢半 川芎三分 炙草六分 如發熱不退或

痘未出之先宜加蘇葉一錢 防風八分 頭痛加蔓荊子七分 川芎三分

咽痛加桔梗八分 連翹七分 不起發不灌漿加糯米五十粒川芎六分

肉桂三分 人乳半酒杯好酒少許以助營氣虛寒癢脫不起加炒川山甲

六分 紅紫血熱不起加紫草七分 或犀角八分 脾氣滯者加陳皮六分

山楂八分 胃氣虛寒多嘔者加炒乾姜四分 或加丁香三分 腹痛兼滯

者加木香五分 陳皮四分 表虛氣陷不起或多汗者加酒炒黃耆一錢

氣血兩虛未起未灌而先癢者加肉桂三分 白芷六分 元氣大虛寒戰咬牙泄瀉者去白芍加黃耆錢半 製附子六分 乾姜四分 或再加肉桂三分 生姜一小片 痘症熱毒熾盛。紫黑乾枯。煩熱便結。純陽等症。用加味四物湯。 生地 黃芩 白芍 當歸 連翹各一錢 川芎五分 紫草八分 木通八分 如渴加花粉麥冬各一錢陽明熱甚頭面牙齦腫痛者加生石膏錢半知母一錢大腸乾結臍腹實脹者加大黃一錢血熱妄行者加犀角一錢童便半酒杯沖服小水熱閉者加山梔車前各一錢兼表熱者加蘇葉荆芥各一錢 凡在天花流行之際。小兒發熱。目眶含潤如秋水。兩眼帶赤。呵欠噴嚏者。諦視胸部。見紅點隱隱。彷彿痧疹。即可斷定是出痘預兆。

疹

凡出疹發熱。有咳嗽噴嚏呵欠煩悶等症。痧疹表證。宜於清解者。  
 頭痛喘急。咳嗽嘔噎。目赤含淚。腹中陣痛。或痧已出。或未出。  
 其痧出也。形小而粒粒可數。且有尖頂。以發熱後二日而見者輕。  
 三日以後者重。至七日以外。隱而不起。喘不止腹痛秘者。危矣。  
 方用銀翹散加減。連翹 銀花各三錢 桔梗錢半 薄荷一錢 炒  
 牛蒡三錢 荆芥錢半 炒香豉二錢 光杏仁三錢 炒赤芍錢半 甘草一錢  
 蟬衣八分 淡竹葉一錢 焦查肉三錢 荷葉一角 初客上焦。宜加  
 桑葉菊花。已犯中焦。宜加象貝瓜婁。如入下焦。加焦梔丹皮。此  
 方服後。痧子滿佈。熱度或增高。氣分必大暢。再服痧子漸焦頭。  
 身熱輕減。三服愈矣。春令發者。從風溫治。夏令發者。從暑風  
 治。秋令發者。從燥熱治。冬令發者。從風寒治。痧乃腑陽之毒

。治法惟宜宣發。使其毒盡出於外。可免內攻。雖紅腫之甚。狀如漆瘡。亦不足慮。初起必當發表。見形卽宜清涼。辛散如荆芥薄荷前胡葛根麻黃牛蒡。涼潤如黑參栝婁根葳蕤麥冬生甘草芩連貝母連翹竹葉。皆應用之品。隨宜酌斟。疹毒須假嗽多而散。故疹後旬日之內。尙宜有嗽。不可見嗽治嗽。至於泄瀉嘔吐腹痛亦是疹毒使然。不得妄用補澁。然有因瀉而毒內陷者。亦當防。疹宜謹避風寒。忌葷腥炙博鹽醋五辛生冷。以免逼毒入裏。愈後至少尙宜忌口一旬。

## 四外科

凡瘡紅者爲癰。白者爲疽。小者爲疔。癰是熱症。宜清涼解毒。疽是寒症。乃氣血大虛。宜補氣血。或加附子泡姜肉桂。引用麻黃五

分。冬天有用至一錢者。此味雖夏月必用。使寒毒有路可出。紅瘡初起。用真人活命湯。功能消散。但潰後忌服。當歸 防風

白芷 銀花 貝母 花粉 陳皮 草節 乳香 沒藥 山甲 角刺

各一錢 水煎加酒一杯沖服 一切腫毒。及背發乳癰。或癩腫。憎

寒壯熱。未成已成。得用神功托裏湯。金銀花五錢 生黃耆四錢

當歸二錢 甘草一錢 水煎酒沖服 白疽初起。用炒黃干姜研細末用

醋調敷四圍留頭自愈。凡一切色白平塌陰疽。得用陽和湯極驗。

熟地七錢 肉桂七分 泡姜五分 真鹿膠三錢 麻黃五分 炙草一錢

水煎服後。飲好酒數杯。謹戒房事。服至病愈爲止。凡患瘡瘍皆由氣血凝滯。須服香劑。以行氣血。用香附一味。姜汁浸一宿。焙乾研末。每服錢半。白湯下。癰疽潰爛。用白芷 藿香 香

茅 香附 防風各三錢 木香 甘草各一錢 檢二劑。煎濃湯洗之。

然後照方研細末。搽之。外貼敗毒藥膏。多年惡瘡用冬瓜皮焙干

研末搽之。膿泡疥瘡。先用針刺去膿。即用樟腦八錢 硫黃錢半 炒

川椒一錢 枯礬一錢 研末麻油調勻。攤新粗夏布上。烘熱對患處

按上扎緊。日換數次。俟其不復起膿。即可用藥包乘熱擦之。四五

日即結痂而愈。靈驗無比。 瘰癧用蒸元參 煨牡蠣 蒸川貝各四

兩 研末蜜丸每服三錢 開水下日二服。兼服逍遙散。 疔瘡腫毒

用野菊花根一握搗汁一升沖酒一杯燉熱服。即至垂死。入口便活。

冬日掘地取用亦可。並治一切惡毒搗爛酒煮服。以渣敷之。

## 五 五官科

目

風熱上攻。兩目昏暗。眵淚羞明。赤腫翳障。用 甘菊花三錢 蜜  
蒙花 羌活 木賊 石決明 白蒺藜各錢半 兩眼角肉綻。瀉心火。  
用黃連連翹。白睛紅多瀉肺火。用桑白皮黃芩。黑睛腫痛瀉肝火。  
用龍胆草草決明。瞳神昏暗瀉腎火。用生地黃柏。多紅絲用山梔仁  
。血灌瞳神兩目通紅。用石羔大黃。 浮翳宿障。霧膜遮睛。用雪  
白生鹽。盛磁器內研如香灰細。用大燈芯醮鹽少許。輕手指指定浮翳  
。點上三四次即愈。亦無痛癢。 內障多虛。用 夜明砂 蟬退  
當歸 木賊等分爲末。用羊肝煑熟搗爛爲丸。如綠豆大每服三錢  
白湯下。

耳

內火上炎耳閉。宜清化。 生地 茯苓各二錢 黃芩 麥冬 白芍

丹皮 石斛各一錢半 怒動肝火耳閉。用柴胡白芍。腎虛耳聾耳響  
宜補 熟地四錢 淮山 杞子 茯苓各二錢 萸肉錢半 絲餅三錢 腎  
有邪火。去杞子絲餅。加澤瀉黃柏知母。耳聾外治。用川山甲二分  
炙研末撒棉上包磁石塞耳。口內含生鐵一塊。如聞風雨聲即通。耳  
內膿水不乾。用棉杖攪盡。用枯礬四分龍骨錢半研末吹入。日二三次。

鼻

傷風鼻塞當疎散。鼻流濁涕名鼻淵。用 蒼耳子一錢二分 辛荑仁  
薄荷葉各二錢半 白芷五錢 爲末服一錢 茶清食後下 鼻生瘰肉。不  
聞香臭。用瓜蒂細辛各一錢爲末棉裹如豆大塞鼻內。

齒

齒痛不過曰虫曰火曰風寒而已。火痛多腫喜冷。虫痛一牙作痛。蝕

盡一牙。又蝕一牙。寒邪牙痛。痛連頭腦。凡牙痛熱宜石羔牙硝。  
寒宜干姜華撥。細辛。風宜皂角殭蠶。虫宜石灰雄黃。青鹽火  
硝硼砂樟腦各一錢爲末擦之立止。一切牙齒腫痛。皆胃經火盛。用  
生地三錢 當歸錢半 黃連六分 升麻一錢 丹皮三錢 防風一錢 荊芥  
一錢 生石羔三錢 牙齦額半邊痛者。加防風白芷羌活細辛。牙齦脫  
而血出。加扁柏葉黃芩荊芥梔子。滿口浮而不能力嚼者。加連翹元  
參芍藥。走馬牙疳。牙床出血。潰爛。用人中白散。元明粉五分  
人中白一錢 眞青黛一錢 兒茶一錢 眞硼砂一錢 馬底勃五分 頂  
上冰片二分 共研極細末搽之。每日早起時咬定牙根。而後小解  
。非獨養牙。亦且固腎。

### 咽喉

咽喉症必兼風挾火。外風與內火互凝。風得火而愈甚。火得風而愈熾。於是積濕濁痰。阻其脈絡。蒙其清竅。結腫成脹。脹甚則閉。呼吸不得出入。湯水不能吞咽。究其致病之由。實由風溫客邪。鬱久化火而成。凡喉症先寒熱而後見形者重。先見形而後寒熱者輕。寒熱多者其症必重。若一發寒熱夜間便起者凶。凡喉症初起忌驟用寒冷。蓋上熱未除。中寒復生。上喘下泄。則難治矣。風寒包火者。起手只用甘桔荊芥。開發升散。火盛則施清劑。至熱結下焦。始用攻法。腫喉結喉。須察色以定順逆。初腫紅色。漸見紫色。暨見黃腐。由黃成白。由白成灰。由灰成黑。初起邪在表分。紅腫疼痛。必用輕透之品。托邪外出。驟用表散。必紛竄他經。難治。凡咽喉腫痛。飲不可咽。先用薄荷冰片元明粉硼砂青黛牛黃

朴硝、僵蠶等研末吹喉墜痰清火。喉症多陰虛。宜養陰清肺湯。

丹皮 麥冬 生地 白芍 薄荷 元參 川貝 生草 大便燥結加

元明粉。喉間腫盛加石膏。吹藥用錫類散。象牙屑 珍珠 青黛

冰片 壁錢 牛黃 人指甲 喉症邪在肺經。治宜輕透。香犀

角六分 鮮生地五錢 赤芍二錢 元參四錢 銀花三錢 川貝三錢 海藻

三錢 秦艽錢半 鈎藤三錢 陳海蜇一兩 人中黃二錢 滑石四錢 鮮梨

汁三兩 爲引 邪在脾腎。治兼培養。用大生地八錢 大麥冬六錢

大白芍三錢 鮮石斛六錢 元參六錢 川貝三錢 丹皮二錢 犀角六分

薄荷八分 中黃三錢 銀花三錢 陳海蜇一兩 梨汁二兩 胸悶舌膩

。去大生地用鮮生地。喉痧初起。惡寒發熱。咽喉腫痛。妨於咽

飲。遍體痠痛。煩悶泛噁等症。宜丁氏解肌透痧湯。荊芥錢半

蟬衣八分 嫩射干一錢 生甘草五分 粉葛根三錢 熟牛蒡二錢 輕馬勃八分 苦桔梗一錢 前胡錢半 連翹壳二錢 炙殭蠶三錢 淡豆豉三錢 鮮竹茹二錢 紫背浮萍三錢 如嘔噁甚。舌白膩。加玉樞丹四分冲服。王氏謂生橄欖生萊菔水煎常服可免喉症。常啖香蕉亦可免喉患。一切喉症初起。左右兩邊紅腫。嚥下困難。（潰爛者忌服）用牛蒡 浙貝 桔梗 防風 荊芥 淡竹葉各二錢 生甘草八分水煎服。

六 急救科 附刀傷跌打湯火傷

刀傷破損。出血不止。用竹蛙脣敷上立止。或用花蕊石乳香沒藥等分爲末加麝少許糝上包之。跌打青腫不破口者。取生大黃一塊。用老生姜汁磨融。敷之。一日一換。破口傷無論傷口大小。或潰爛

進風。口眼喎斜。手足扯動。用玉真散敷傷口。另用三錢 溫酒或  
白湯調服。效能起死回生。惟已嘔吐則難治。如膿多者以溫茶避風  
洗淨而敷。無膿忌洗。玉真散用。姜汁炒生南星 羌活 防風 明  
天麻各二錢 白附子四錢 白芷二錢 共研極細末收入窄口磁瓶蜡封  
勿洩氣。湯火傷用白沙糖滾水調服或服童便以免火毒攻心。外塗  
麻油。搽食鹽少許。再將生大黃末撒上。立刻清涼止痛。並無疤痕  
。 誤吞雅片。用胆礬 甘草各一錢 白蜜煎服即吐。或柿漆水灌下  
即愈。 中煤毒者萊菔汁冷服以解之。 夢魘卒死。用通關散取嚏  
。 皂角末一錢 半夏末錢半 溺死用竹管吹兩耳。通關散吹鼻中。  
水出則氣回。 縊死不可斷繩。解下放平。一人提髮。一人抵肛。  
使氣勿泄。用竹管吹耳良久取嚏。進姜湯而活。 凡暴死氣閉。均

宜行人工呼吸法以開肺。誤吞金銀銅錫用羊前腿骨煨灰三錢米湯服之。蛇咬傷搗蒜敷之。蜈蚣咬蜒蚰搗塗。蜂螫蚯蚓糞敷之。癩犬咬傷。用生草三錢 桃仁七粒 去足地鱉虫七只各研末。加白蜜三錢酒一碗煎至七分。連渣服之。如不能飲酒。用水對和亦可。小兒減半。孕婦不忌。空心服藥後。當驗其二便。以另器盛之。大便必有惡物。如魚腸豬肝之類。小便如蘇木汁。數次藥力盡。二便如常。再服又下。不拘帖數。必至二便無纖毫惡物爲度。不可中止。留餘毒於腹中。以致復發。切切牢記。

### 附錄 習題

下列各症。試爲辨證用藥處方。然後再查答案參攷之。

(子) 某甲脫衣易服。驟感冷風。卽頭痛發熱汗出惡風。兩手微冷

。鼻鳴乾嘔。脉浮緩。舌白滑。

(丑) 一少年春日感風。身熱懊懣。欬咽痛。微寒便泄。鼻衄耳聾。吐痰黃稠。脉弦數。舌紅苔黃。

(寅) 一人頭痛惡風。面目浮腫而亮。兩手微厥。足腫而冷。便溏溺短。脉浮緩沉遲。舌白滑淡灰。

(卯) 某青年患驚悸多汗。遺精頻頻。脉象軟弱。舌質光絳。

(辰) 某人身熱不解。有汗惡風。遍體骨楚。胸悶泛噁。不能飲食。脉象濡滑。舌膩而垢。

(巳) 某君兩足痿軟。不便步履。按脉尺弱寸關弦數。舌質嬌嫩。

(午) 孕婦妊娠七月。下利赤多白少。如醬色紫。腹中滯痛。裏急後重。日夜二三十行。脉數弦滑。舌赤苔黃。

(未)

某甲於夏至後奔走于長途赤日之中。卽覺頭暈目眩。鼻孔灼熱。次日卽身熱有汗。神昏口噤。診脈弦數。視舌鮮紅無苔。

(申)

某君於秋日患乾欬喉癢。脇痛頭脹。脈浮而數。舌紅苔乾。

(酉)

一酒客于夏日患壯熱不退。面目遍身色黃。如老橘。口渴思飲。二便俱閉。脈沉數。苔黃燥。

(戌)

某幼女于暮春暴熱之時。患頭痛身熱。惡風自汗。紅疹隱隱。咳嗽氣熱。脈數浮滑。舌邊尖紅。苔薄白。

(亥)

一男子新婚燕爾。慾後受寒。遂卽寒熱不清。腹痛如絞。連及少腹。泄瀉無度。脈弦緊。苔薄膩。

習題解答

子

此風傷衛也。宜桂枝湯加杏仁。蓋桂枝湯所以解肌散表。加杏仁取其降氣以平嘔。泄肺以止喘。川桂枝八分 光杏仁

三錢 清炙草五分 鮮生姜一錢 生白芍七分 大棗二枚

丑

此肺胃痰熱也。蓋氣熱則痰爲火熾。色變黃稠。氣燥則清竅不利。兩耳失聰。咽痛於胃。喉通於肺。今肺胃爲風熱淵藪

。自然咽喉作痛。便泄者。肺移熱于大腸也。治宜清痰熱以

保肺。存津液以養胃。方用 六一散三錢 淡芩錢半 黑山梔

三錢 連翹三錢 木通五分 竹葉卅片 前胡一錢 桔梗一錢 射

干六分 鮮石斛四錢 白茅根一扎

寅

此風水腫也。風在上故面腫。水就下故足腫。法主五皮飲。加辛附以溫蒸氣化。加麻黃以開發汗孔。則腫自然分消以去

。麻黃五分 北細辛六分 生桑皮三錢 冬瓜皮四錢 淡附片四分 新會皮二錢 浙苓皮三錢 五加皮二錢

(卯)

此心神之陰不足。君相之火有餘。欲潛其陽。必滋其陰。壯水之主。以制陽光。方用 北沙參三錢 粉丹皮二錢 珍珠母

八錢 生白芍二錢 天麥冬各一錢半 抱茯神三錢 青龍齒三錢

炒棗仁三錢 大生熟地各三錢 淮山藥三錢 左牡蠣四錢 遠志

一錢 封髓丹三錢 金器一具入煎

(辰)

此濕溫夾滯。互阻中焦。表邪鬱遏。裏濕瀰漫。清不升而濁不降也。治宜清解疏導。 川桂枝五分 赤豬苓各三錢 澤瀉

錢半 清豆卷四錢 川朴一錢 陳皮一錢 半夏一錢 蒼朮八分

枳實炭一錢 六神麴三錢 藿梗錢半 佩蘭錢半

(巳)

此肺腎陰虧。絡有蘊熱。所謂肺熱葉焦。則生痿躄。治宜補

水瀉火。南北沙參各一錢半 鮮生地三錢 川黃柏一錢 絲瓜

絡二錢 川石斛三錢 生苡仁三錢 肥知母錢半 麥冬三錢 木

瓜二錢 絡石藤三錢 虎潛丸三錢

(午)

此積熱下鬱腸中而化痢。然孕婦患此。不得專治痢。當兼涼

血安胎。運氣舒肝。油當歸二錢 生白芍三錢 青子芩錢半

清炙草五分 青木香六分 小川連五分 製香附錢半 春砂壳

五分

(未)

此中暑病也。宜先取噎。至用藥當滌暑以通神。涼血以清熱

。犀角尖五分 益元散三錢 紫雪丹五分 鮮生地六錢 丹皮

二錢 銀花錢半 連翹二錢 桑葉二錢 荷花露一兩分冲

(申)

此溫燥之氣。犯肺作咳。更兼肝熱上衝。故頭脹而痛也。治宜潤肺平肝。清絡疏風。

桑葉二錢

紫蘇子一錢

薄荷五分

生甘草五分

夏枯草二錢

栝婁皮二錢

肥知母錢半

川貝母

二錢

竹茹三錢

水蘆根一尺

雅梨皮五錢

絲瓜絡三錢

(酉)

此濕熱蘊釀之陽黃症也。今二便俱閉。病毒無出路。法當于清利濕熱之中。更加入通導之品。使無停滯之機會。則病可愈矣。

茵陳蒿五錢

生錦紋二錢

真川朴一錢

炒黑山梔三錢

漢木通一錢

(戌)

此肺感風溫而發疹也。宜辛涼散風。輕清透痧。並宣肺氣以暢之。

薄荷八分

蟬衣七分

牛蒡錢半

連翹錢半

前胡一錢

銀花一錢

栝婁皮一錢

桑葉錢半

青箬叶

三錢

桔梗六分

(亥) 此房後寒邪直中三陰。俗所謂夾陰傷寒也。治宜溫經達邪。

熟附片一錢 淡乾姜八分 淡吳萸六分 肉桂心三分 焦朮

二錢 炙草一錢 雲苓二錢 焦米仁四錢 藿梗錢半 陳皮一錢

六神耩三錢

### 通信問疑須知

本書所述。已極淺顯簡潔。學者讀後。如尙有疑慮。儘可通信問商。惟來函須附貼足郵票寫就地址之回件信封。即當詳覆。通信不拘次數。總以洞明爲主。如欲論症擬方。須照醫例計算。信件來往。欲免遺失。宜掛號寄遞。

胡善廬醫例

門診 八角。

出診 二元四角。路遠酌加。

丸方膏方 二元。次日取方。

通函論症 一元。空函不覆。

附則 貧病不計。拔號加倍。外埠另議。

地址 上海東熙華德路。公平路東首。九六一弄（即慎德里）三十三號

號房代啓。

本書參攷要籍列後

葉天士臨證指南 梁子材不知醫必要 雷少逸時病論

錢榮國知醫捷徑 秦伯未實用中醫學 葉瑗經驗良方

劉清臣醫學集成 楊志一四季傳染病 張石頑醫通

黃峻壽醫學精要 唐容川醫學見能 秦伯未中醫世界

程鐘齡醫學心悟

王孟英溫熱經緯

王一仁上海醫報

陸士諤醫學南針

江涵暉筆花醫鏡

趙公尙衛生報

何廉臣名醫驗案

蔣仲芳醫宗說約

施伯英醫藥全書

丁甘仁百病醫方

曹炳章辨舌指南

王孟英醫案繹註

國醫診療藥

卷下

附錄參攷要籍

九四

國醫學術必備要籍

巢氏病源	醫學津梁	類證治裁	赤水玄珠	赤水玄珠	醫經理解	醫	沈氏尊生書	齊有堂醫案	冷廬醫話
全書八册 定價一元五角	全書四册 定價八角	全書八册 定價一元六角	中紙十六册 定價七元	洋紙十六册 定價五元	全書四册 定價八角	全書八册 定價一元六角	全書二十册 定價二元五角	全書四册 定價一元	全書四册 定價七角

吳門治驗錄	肘後備急方	三朝名醫方論	洪氏集驗方	眼科纂要	一草亭眼科	喉科紫診集	女科經論	痧驚合璧	幼科指南
全書七册 定價七角	全書四册 定價八角	全書六册 定價一元	全書二册 定價五角	全書二册 定價五角	全書四册 定價七角	全書二册 定價五角	全書四册 定價一元二角	全書四册 定價六角	全書二册 定價五角

上列各書一律廉價七折外埠函購寄費加一

上海四馬路中經山房書局發行

上海招商局北棧全人為

# 醫國內科專家胡善廬先生濟世啓事

先生秉資聰穎幼承家學及長復博覽方書廣採衆長更從遊於滬上名醫陸士諤先生盡得薪傳於是技益精術益深全人之櫻疾者一經先生診治無不立奏膚功先生尤專於內科一門凡垂危時症及虛損癆病更能出奇制勝妙手回春見者無不嘆為神術而先生淡泊自居不尚虛名著書自娛惟以痼瘵在抱普濟為懷乃出其餘緒廣作活人之舉行見青囊妙術普被羣黎爰叙緣起以告病家俾資問津焉

## 診例

主	治	男婦幼科時症雜病
門	診	八角八十分覆診六角
出	診	二元四角路遠遞加外埠面議
膏	丸	每方二元隔日取方
通	函	論證 每方一元空函不覆
時	間	門診上午八時至下午三時三時後出診
送	診	貧病送診號金銅元十枚
附	則	拔號加倍早晚一例

醫寓上海虹口東熙華德路公平路東首慎德里三十三號

# 痧痘

與

# 治療

編合：熙蕭：玉達張  
角八洋價定册一書全

痧痘為小兒之兩大傳染病，自發明漿苗接種以來，天花之症日見鮮少，但接種之效有一定時期，如僅種一二次，仍有感染天然痘之慮，而鄉村父母缺乏新智識，小兒種痘，不知改良，殊多危險，本書分章析節，痘之施種及療法，詳細演述，痧痘之中西症治醫家病家，均有備攷之必要。

黃勞逸 毛 瀨  
沈仲圭

合 著

# 藥物與驗方

全書一册  
定價一元

# 生理與衛生

全書一册  
定價八角

# 診斷與治療

全書一册  
定價八角

以上三書，係杭州黃勞逸、毛瀨、沈仲圭、三先生十年來談醫之結晶，以顯明之文筆，介紹醫藥之常識，初學得之，如聽良師講授，病家得之，猶聘衛生顧問，又中醫書籍，大都晦澁艱深，不易瞭解，上列各書，絕無此弊，因談學理以科學為歸，言治法以中醫為準，黃先生等皆醫界知名之士，凡讀過醫誌中先生等之著作，尤不可不備此三書也。

上海四馬路中經山房書局發行

民國二十三年四月出版

國醫診療學 全一册 定價大洋八角

編輯者 胡善廬

印刷者 校經山房印刷所

出版者 校經山房書局

發行者 校經山房書局

版權  
所有

總發行所上海 四馬路中 校經山房書局

分售者 各省各大書局

